



書傳輯錄纂註
五

1004
4





書卷第五

朱子訂定蔡氏集傳


後學鄱陽董鼎輯錄纂註

召誥

左傳曰武王克商遷九鼎于洛邑史記載武王言我南望三

而後去則宅洛者武王之志周公成王成之召公實先經理之洛邑
既成王始政召公因周公之歸作書致告達之于王其書拳拳於
歷年之久近反復乎夏商之廢興究其歸則以誠小民為祈天命之
本以疾敬德為誠小民之本一篇之中屢致意焉古之大臣其為國
家長遠慮蓋如此以召公之書
纂註
王氏曰洛者天下之中以天
因以召誥名篇今古文皆有
事言止道里均焉見下自服
土中傳非特如此而已懲三監之難忘殷頑民遷以自近洛距妹邦
為近則易使之遷作王都焉則易以鎮服也雖然鎬京宗廟社稷官
府官室具在不可遷也故於洛邑會諸侯而已陳氏大猷曰成王實
都鎬京特往來朝諸侯祀清廟於洛故鎬京謂之宗周以其為天下
所宗也洛邑謂之東都又謂之成周以周道成於此也洛邑天下之
至中豐鎬天下之至險成王於洛邑定鼎以朝諸侯所以承天地沖
和之氣宅土中以蒞四海其示天下也公於鎬京定都所以壯基本所
以據天下形勝處上游以制六合其慮天下也遠漢唐竝建兩京蓋

明
月
年
日
未



亦深識形勢之所在而有得於周公成王之遺意歟林氏曰周自后稷始封於邠在漢右扶風郿縣夏后政衰稷之子不窋出奔於戎狄之間至孫公劉始立國於豳在恂邑豳鄉十世至太王避狄人遷於岐山之下在美陽縣岐山文王遷于豐在鄠縣東豐水武王遷於鎬在長安西南昆明池所謂鎬池也岐在郿西北無百里豳又在岐西北四百餘里豐在岐山東南二百餘里鎬在豐東二十五里新安陳氏曰宅洛之事武王志之成王述之上告祖廟迭咨大臣一日而建千萬年宅中圖大之基謹重如此以至于召公因周公之歸而作誥以告王序不及之何也宅中圖大固難保大定功尤難王之在豐召之相宅固見宅中圖大之難矣召公拳拳以敬德永命戒王敬不敬之尤難也○愚案書說中有朱子集解召誥及洛誥之半其間間出已說文義及分節處與蔡氏多異蓋未定本也蔡已撥取之其餘尚有當采者今各入輯錄纂註以備參考

惟二月既望越六日乙未王朝步自周則至于豐

相望謂之望既望十六日也乙未二十一日也周鎬京也去豐二十五里文武廟在焉成王至豐以宅洛之事告廟也
輯註 豐鎬去洛邑三百里長安所管六百里王畿千里亦有橫長處非若今世畫圖之為方也恐井田之制亦是此類此不可執畫方之圖以定之○或問周都豐鎬則王畿之內當有西北之戎如此則稍甸縣都如之何其可為也先生曰周禮一書聖人作為一代之法爾到不可用法處聖人須別有權變之道故格言
纂註 王氏

曰以肫望明魄紀月以甲子紀日書法也林氏曰漢志曰周公攝政七年二月乙亥朔庚寅既望

宅越若來三月惟丙午肫越三日戊申太保朝至于

洛卜宅厥既得卜則經營

也肫孟康曰月出也三日明生之名戊申三月五日也卜宅者用龜卜宅都之地既得吉卜則經營規度其城郭宗廟郊社朝市之位
纂註 林氏曰漢志曰三月甲辰朔三日丙午元城劉氏曰越若發語聲來三月猶言明三月也息齋余氏曰越若朱子既采劉說見集解中宜從之不必言召公施遷而來也
越三日庚戌太保乃以庶殷攻位于洛汭越五日

甲寅位成

庶殷殷之眾庶也用庶殷者意是時殷民已遷于洛故就役之也位成者左祖右社前朝後市之位成也
纂註 唐氏曰庚戌三月七日甲寅三月十一日也葉氏曰攻位者關荆棘平高下以定所經營之位也庶殷所遷殷民也離民為役則友民可知林氏曰盤庚之遷亳太王之遷岐衛文之遷楚丘未嘗不卜然君臣既有定議故至洛乃卜洪範所以先乃心卿士庶民而後卜筮也太王聿來胥宇而後爰契我龜衛文望楚與堂而後卜云其若翼日乙卯周公朝至于洛則達觀于新

邑營

周公至則徧觀新
纂註 唐孔氏曰乙卯十二日也蘇氏曰案後篇是日再卜呂氏曰召公已成位周公方來觀上

相之體也。然也。越三日丁巳用牲于郊牛二越翼日戊午乃社

于新邑牛一羊一豕一郊祭天地也故用二牛社祭用太牢禮也皆告以營洛之事**纂註**唐孔

丁巳十四日也戊午十五日也孔氏曰郊以稷配故牛二唐孔氏曰記及公羊皆曰養牲必養二帝牛不吉以為稷牛呂氏曰郊祭天社祭地孔氏曰社稷共牢馬氏曰言社則稷在其中○陳氏曰郊不曰新邑者郊在國外社在國內故也○王氏曰於尊以簡為誠於卑以豐為貴故郊特牲而社稷太牢先祭告於郊社然後用工○陳氏大猷曰此蓋即洛邑新立之郊社以告作洛於天地不告廟者在豐已告也時洛邑宗廟未成故至十二月始祭宗廟也

七日甲子周公乃朝用書命庶殷侯甸男邦伯書役書也春秋

傳曰士彌牟營成周計丈數揣高低度厚薄勿溝洫物土方議遠邇量事期計徒庸慮材用書糗糧以令役於諸侯亦此意王氏曰邦伯者侯甸男服之邦伯也庶邦冢君咸在而獨命邦伯者公以書命邦伯而邦伯以公命命諸侯也

邦伯不偏舉五服者文略耳邦伯州牧也○葉氏曰不及采衛者不以遠役眾也厥既命庶殷庶殷丕作不作者言皆趨事赴功也殷之頑民若未易役使者然召公率以攻位而位成周公用以書命而丕作殷民之難化者猶且如此則其悅以使民可知也**纂註**孔氏曰大作言勸事○陳氏大猷曰獨言庶殷丕作則諸侯可知○新安胡氏曰觀此則殷民之遷在未作洛之前必矣○林氏曰召公營洛自戊申至

甲寅七日而成周公繼至自乙卯距甲子十日而用書庶殷丕作周其啟如此總而計之自成王至豐距甲子凡一月耳萬年之業成於一月之間此豈後世可及哉○新安陳氏曰讀此當參看洛誥洛誥曰予惟乙卯朝至于洛師我卜河朔黎水云云此云乙卯周公朝至于洛其日同但洛誥言是日再卜此不言者周公之吉卜不殊召公之吉卜也兼洛誥自詳之此可略也乙卯至甲子十日乙卯日卜及達觀新營內辰不言事蓋丁巳戊午將行郊社大禮前一日養精神以無為也已未至癸亥五日又不言事乃將用書命丕作竭精神以有為也此五日中必會集臣庶計丈數揣高卑等事役書一定然後甲子朝頒布之洛誥脫簡之在康誥者曰惟三月哉生魄周公初基止乃洪大誥治即是三月十六日己未戊午祭社後一日也曰大誥治即用書命丕作也細而考之昭合無間誰謂殘編斷簡不可見聖人經理之微密哉

太保乃以庶邦冢君出取幣乃復入錫周公曰拜首稽首旅王若公誥告庶殷越自乃御事呂氏曰洛邑事畢周公將歸宗周召公因陳戒成王乃取諸侯贄見幣物以與周公且言其拜手稽首所以陳王及公之意蓋召公雖與周公言乃欲周公聯諸侯之幣與召公之誥併達之王謂洛邑已定欲誥告殷民其根本乃自爾御事不敢指言成王謂之御事猶今稱人為執事也**輯**

錄據召誥文只說召公先至洛而周公繼至不說成王亦來也然召公出取幣入錫周公乃曰旅王若公其辭又多成王未知如何先生曰此蓋因周公以告于**纂註**王氏曰庶邦冢君諸侯會于洛者洛邑成而獻幣所以為禮且致慶也○新安陳氏曰作洛之急務在化殷人

書傳卷五

三

而化殷之大本在於王身下文遂詳言之此召公納忠之大者幣特恭敬之寓焉耳取幣獨言庶邦而不及庶殷者蓋用書命玉作無聞於庶殷而取幣陳王不及庶殷歟

嗚呼皇天上帝改厥元子茲大國殷之命惟王

受命無疆惟休亦無疆惟恤嗚呼曷其奈何弗敬

皆告成王之辭託周公達之王也曷何也其語辭商受嗣天位為元子矣元子不可改而天改之大國未易亡而天亡之皇天上帝其命之不可恃如此今王受命固有無窮之美然亦有無窮之憂於是歎息言王曷其奈何弗敬乎蓋深言不可以弗敬也又案此篇專主敬言敬則誠實無妄視聽言動一循乎理好惡用捨不違乎天與天同德固能受天明命也人君保有天命其有要於此哉伊尹亦言皇天無親克敬惟親敬則天與我一矣尚何疎之有

此數句者一篇之大旨也

元子者天之元子也書說

為天之長子○真氏曰大明詩云天位殷適使不挾四方亦改厥元子大國殷命之意○新安陳氏曰此元子字當與下文元子哉對觀元子天之元子即大君者吾父母宗子之意此元子謂殷紂後元子謂成王天命靡常人君所以保天命惟有敬耳昔殷元子嘗受天命矣天竟改其命而王受之固有無窮之美然今日之受安知不為他日之改是亦有無窮之憂也何可以不敬哉此一節始曰嗚呼末又曰嗚呼元老大臣拳拳忠愛嗟歎以深警上心不能自己之至情也

天既遐終大邦殷之命茲殷多先哲王在天越厥

後王後民茲服厥命厥終智藏瘝在夫知保抱攜持

厥婦子以哀籲天祖厥亡出執嗚呼天亦哀于四方

民其眷命用懋王其疾敬德

此殷先哲王其精爽在天宜若可恃者而商紂受命卒致賢智者退藏病民者在位民困虐政保抱攜持其妻子哀號呼天往而逃亡出見拘執無地自容故天亦哀民而眷命用歸於免德者天

命不常如此今王其可不疾敬德乎

氏曰人之死各返其根體魄陰也故降而在下魂氣陽也故升而在上則無不之矣衆人物欲蔽之故魂散而氣不能升惟聖人清明在躬志氣如神故其死也精神在天與天為一○葉氏曰智藏瘝在言至紂而愚其智則藏而獨病民之心存也籲和也祈和於天也○唐孔氏曰夫猶人也言人人皆然○新安胡氏曰當如傳所謂故夫致死焉之夫袁氏曰疾敬德者更無等待遲疑只今便下手新安陳氏曰祖宗之不可憑藉如此言外之意蓋謂成王今日安可盡恃太王王季文武也此章言天命不可恃祖宗不可恃惟敬德庶可疑固天命而迓續祖德爾敬德而言疾最有力量蓋人心操則存舍則亡必緊着精神汲汲用工則莊敬日強而能敬苟悠悠玩怠則安肆日偷而不能敬矣後

又言肆惟王其疾敬德一篇綱領在敬字而敬之工夫又在疾字

相古先

民有夏天迪從子保面稽天若今時既墜厥命令相

書傳卷三

此殷先哲王其精爽在天宜若可恃者而商紂受命卒致賢智者退藏病民者在位民困虐政保抱攜持其妻子哀號呼天往而逃亡出見拘執無地自容故天亦哀民而眷命用歸於免德者天

命不常如此今王其可不疾敬德乎

氏曰人之死各返其根體魄陰也故降而在下魂氣陽也故升而在上則無不之矣衆人物欲蔽之故魂散而氣不能升惟聖人清明在躬志氣如神故其死也精神在天與天為一○葉氏曰智藏瘝在言至紂而愚其智則藏而獨病民之心存也籲和也祈和於天也○唐孔氏曰夫猶人也言人人皆然○新安胡氏曰當如傳所謂故夫致死焉之夫袁氏曰疾敬德者更無等待遲疑只今便下手新安陳氏曰祖宗之不可憑藉如此言外之意蓋謂成王今日安可盡恃太王王季文武也此章言天命不可恃祖宗不可恃惟敬德庶可疑固天命而迓續祖德爾敬德而言疾最有力量蓋人心操則存舍則亡必緊着精神汲汲用工則莊敬日強而能敬苟悠悠玩怠則安肆日偷而不能敬矣後

又言肆惟王其疾敬德一篇綱領在敬字而敬之工夫又在疾字

相古先

民有夏天迪從子保面稽天若今時既墜厥命令相

書傳卷三

此殷先哲王其精爽在天宜若可恃者而商紂受命卒致賢智者退藏病民者在位民困虐政保抱攜持其妻子哀號呼天往而逃亡出見拘執無地自容故天亦哀民而眷命用歸於免德者天

命不常如此今王其可不疾敬德乎

氏曰人之死各返其根體魄陰也故降而在下魂氣陽也故升而在上則無不之矣衆人物欲蔽之故魂散而氣不能升惟聖人清明在躬志氣如神故其死也精神在天與天為一○葉氏曰智藏瘝在言至紂而愚其智則藏而獨病民之心存也籲和也祈和於天也○唐孔氏曰夫猶人也言人人皆然○新安胡氏曰當如傳所謂故夫致死焉之夫袁氏曰疾敬德者更無等待遲疑只今便下手新安陳氏曰祖宗之不可憑藉如此言外之意蓋謂成王今日安可盡恃太王王季文武也此章言天命不可恃祖宗不可恃惟敬德庶可疑固天命而迓續祖德爾敬德而言疾最有力量蓋人心操則存舍則亡必緊着精神汲汲用工則莊敬日強而能敬苟悠悠玩怠則安肆日偷而不能敬矣後

又言肆惟王其疾敬德一篇綱領在敬字而敬之工夫又在疾字

相古先

民有夏天迪從子保面稽天若今時既墜厥命令相

有殷天迪格保面稽天若今時既墜厥命

從子保者從其子而保之謂禹

傳之子也面鄉也視古先民有夏天固啓迪之又從其子而保之謂禹天心敬順無違宜若可為後世憑藉者今時已墜厥命矣今視有殷天固啓迪之又使其格正夏命而保佑之湯亦面考天心敬順無違宜亦可為後世憑藉者今時已墜厥命矣以此知天命誠不可恃以為安也

節間有不可 **纂註** 林氏曰格與惟帝降格于夏之格同天啓迪之又降格而

曉處書說 **纂註** 保佑之降格謂下臨之也新安陳氏曰從其子而保之即

孟子天與子則與子之意開萬世傳子之端自禹始故於夏言從子保而於商

只言格保蒙上文也兩面稽天若即對越在天之意此一節蓋謂天與祖宗皆不可

特也 今冲子嗣則無遺壽考曰其稽我古人之德矧曰

其有能稽謀自天 稽考矧况也幼冲之主於老成之臣尤易踈遠故

稽古人之德是固不可遺也况言其能稽謀自天是尤不可遺也稽古人之德則於事有所證稽謀自天則於理無所遺無遺壽考蓋君天下者之要務故召

公特首 **輯錄** 已陳夏商敬德墜命之 嗚呼有王雖小元子哉其

不能誠于小民今休王不敢後用顧畏于民 呂公歎

雖幼冲乃天之元子哉謂其年雖小其任則大也其者期之辭也誠和暑險也

至其大能誠和小民為今之休美乎小民雖至微而至為可畏王當不敢緩於

敬德用顧畏于 **纂註** 蘇氏曰民猶水也水能載舟亦能覆舟物無險於民者

民之暑險可也 矣新安陳氏曰誠于小民而今休矣猶欲王汲汲於畏

民者蓋民之暑險可畏常伏于大和盛美之中恃其已和且美而不回顧

却慮以畏之則福兮禍所伏矣此所以為險也是以莊生曰人心險於山川

來紹上帝自服于土中且曰其作大邑其自時配皇

天毖祀于上下其自時中又王厥有成命治民今休

洛邑天地之中故謂之土中王來洛邑繼天出治當自服行於土中是時洛邑告成成王始政故召公以自服土中為言又舉周公嘗言作此大邑自是以可以對越上天可以饗蒼神祇自是以宅中圖治成命者天之成命也成王而能紹上帝服土中則庶幾天有成命治民今即休美矣王氏曰成王欲宅洛邑者以天事言則日東景朝多陽日西景夕多陰日南景短多暑日北景長多寒洛天地之中風雨之所會陰陽之所和也以人事言則四方朝聘貢賦道里均焉故謂之 **輯錄** 言王來居洛邑繼天為治服事也土中洛邑為天下中也林氏

耳 稱周公言當作大邑而自此以祀上帝以及慎祀上下神祇又自此居中以為治則是王受天成命以治民矣蓋召公述周公宅洛之意世書說 **纂** 陳氏大猷曰君前臣名故稱且曰又舉周公之言以告謂今作大邑其自是而配天使仰無愧於天自是而誌祀上下使幽無愧於鬼神自是而宅中為治使俯無愧於民王其有成命而治民今休可也周公所期如此之重王可不思所以稱之新安陳氏曰作洛之事召公任之而未嘗明言之至此方言服于

土中而舉周公之言以見作洛所以配上帝奉祭祀成治功擬天命其重如此蓋下文將自進其敬德祈天之忠言所以先引周公期望之語以開其端也

王先服殷御事比介于我有周御事節性惟日其邁

言治人當先服乎臣也王先服殷之御事以親近副貳我周之御事使其漸染陶成相觀為善以節其驕淫之性則日進於善而不已矣王敬作

所不可不敬德

言臣必謹乎身也所處所也猶所其無逸之所王能敬德而不可不敬也

可敬德者甚言

王敬作所不可不敬德只是直夫召誥玩其初

敬德而

林氏曰周遷殷頑民于洛蓋與洛之舊民雜居其善惡之習不

比介助於周之御事然後可蓋周御事習於教令無事於服之故以服殷御事

為先也然服殷御事在節其性而已蓋人性無不善殷人特化紂之惡是以不

義之習遂與性成而忘反耳上之人有以節之使日進於善則與周人亦何異

哉然欲節民之性又在王之所化故王又當以敬為其所不可不敬之德以率

之非政刑所及也或曰服亦事也猶任也任殷人為御事使之佐我周之御事

蓋欲其共事相習以成善且使上下通情易以行化然後有以節其性而日進

於善王則惟作所不可不敬德以率之而已陳氏大猷曰既以周臣率之使之

相觀而善又以身率之使之下觀而化也新安胡氏曰王敬作所不可不敬德

朱子本孔氏只作一句說蔡氏以所字為句作兩句說其氏乙記以蔡說為長

然蔡說自呂氏來傷無考耳新安陳氏曰殷人漸於舊染而其性流令欲節之

而使其性復亦惟化之以敬德爾敬者一身之主宰性即心所具之理也敬則

此心收斂於天理之中而性可節不敬則此心放縱於人欲之偽而性日流日

其邁即上達反天理而日進乎高明之意也然王豈為化商而始勉強於敬哉

特自敬為我所不可不敬之德而已謂之不可不敬蓋敬者人心所當然而不

可不然者非有所勉強而然如飢食渴飲之常無所為而為者也能如是則敬盡於此而人化於彼矣

我亦惟茲二國命嗣若功王乃初服

今王嗣受厥命

我亦惟茲二國命嗣若功王乃初服今王嗣受厥命惟此夏商之命當嗣其

命我不敢知曰有殷受天命惟有歷年我不敢知曰

不其延惟不敬厥德乃早墜厥命

今王嗣受厥命

墜其命也與上章相古先民之意相為出入但上章主言天眷之不足恃此則直言不敬德則墜厥命爾

以爲必無故召公於歷年不其延皆不敢知者疑之也至於敬德則有歷年不敬德則墜厥命蓋無可疑者

有功者謂繼其能敬德而歷年者也

況王乃新邑初政服行教化之始乎

我亦惟茲二國命嗣若功王乃初服

惟此夏商之命當嗣其

占終法二國之敬德而歷年尤當謹之初服也此句蔡呂以屬上章孔朱真陳以冠下章使與初生初服宅新邑為一套語亦通但此句實結上生下若生子一段議論實因

此句而申明之 **嗚呼若生子罔不在厥初生自貽哲命今**

天其命哲命吉凶命歷年知今我初服 歎息言王之初服若生子無不在於初生習為善則善矣自貽其哲命為政之道亦猶是也今天其命王以哲乎命以吉凶乎命以歷年乎皆不可知所可知者今我初服如何爾初服而敬德則亦自貽哲命而吉與歷年矣

宅新邑肆惟王其疾敬德王其德之用祈

天永命 宅新邑所謂初服也王其疾敬德容可 **輯錄** 王之初服不可不緩乎王其德之用而祈天以歷年也 謹其習猶子之初生不可不慎其初所教蓋習於上則智習於下則愚矣故今天命正在初服之時敬德則哲則吉則歷年不敬則愚則凶則短折也天無一物之不體已知我初服宅洛矣王其可不疾敬德哉所以求天永命者只在德而已矣 **纂註** 並書說 王乃初服至命歷年為一節知今我初服至祈天永命為一節

陳氏曰自貽哲命命在我也天其命哲命在天也○呂氏曰人自初生而保養乃可以全其善哲命者人心所有之明哲非自外來也○林氏曰天以正性命人初無智愚之別所以有智愚者於已取之而已下愚為自暴自棄則上智豈非自貽乎○葉氏曰哲命以哲為天所命也○新安胡氏曰案呂林皆以哲命為性命之命然哲命之哲不應違有性命眷命之分當以葉氏之說為正○真氏曰天命至公不可以求而得也曰祈者蓋一於用德乃不祈之祈也○呂氏

曰祈水命無他術惟敬德為可耳曰祈者欲王知天命之未定也○新安陳氏曰明哲之性與生俱生初生之時習於善則明可作哲習於惡則靡哲不愚哲則為天所命愚則天不命焉是自貽哲命如所謂自求多福此所謂無不在其初生時自貽哲命者王之初服亦猶是也此一節發明王乃初服之意蓋今日作邑而自服土中乃所謂初服是又中天下定四海之一初也天之命吉凶判於此王之能敬德祈永命與不能亦判於此召公所以欲王乘此一初之機而疾敬德也疾敬德則能用德疾云者欲其乘此機而速勉之有今罔後之謂也肆惟王其疾敬德蓋申前王其疾敬德之語而致重複懇切之意云 **其**

惟王勿以小民淫用非彝亦敢殄戮用乂民若有功 刑者德之反疾於敬德則當緩於用刑勿以小民過用非法之故亦敢於殄戮用治之也惟順導民則可有功民猶水也水泛濫橫流失其性矣然壅而過之則害愈甚惟順而導之則可以成功 **其惟王位在德元小民乃惟刑用于天**

下越王顯 元首也居天下之上必有首天下之德王位在德元則小民皆儀刑用德于下於王之德益以顯矣 **書說** 其惟

王勿以小民至 **纂註** 蘇氏曰商俗靡靡其過用非常也久矣召公戒王勿以越王顯為一節 小民過用非常之故亦敢於法外殄戮以治之蓋民之有過罪實在我及其有功則王亦有德何也王之位民德之先倡也如此則法行於天下而王亦顯矣○陳氏大猷曰順夏商之有功者猶上言嗣若功王位不在於土地人民惟在德元而已德元亦猶乾元坤元之始生萬物者也○呂氏曰以小民淫用非彝而敢於殄戮忿嫉一生則損君德矣人君之德止於好

生元者善之長君以德元覆冒天下安可以小民淫用遂損君德○新安胡氏曰至此則非彝之小民化為用德之小民正所謂若順導之而有功者王奚以尚刑不尚德為哉

上下勤恤其曰我受天命丕若有夏歷年式

勿替有殷歷年欲王以小民受天永命其亦期之辭也君臣勤勞期曰我受天命

大如有夏歷年用勿替有殷歷年欲兼夏殷歷年之永也召公又繼以欲王以小民受天永命蓋以小民者勤恤之實受天永命者歷年之實也蘇氏曰君臣一心以勤恤民庶幾王受命歷年如夏商且以民心為天命也輯錄以師之書說纂註德于上而小民儀刑于下則天永命之矣所謂用小民以受天永命也○呂氏曰召公拳拳言小民者國之根本全在小民其與其亡不在大族不在諸侯止在小民之身○真氏曰前言王其德之用祈天永命此言欲王以小民受天永命蓋永命之道無他惟修德與愛民而已命在天於小民何與蓋天無心以民為心耳一篇之中言敬者凡七八曰曷其奈何弗敬曰王敬作所曰不可不敬德曰王其疾敬德兩言惟不敬厥德乃早墜厥命曰肆惟王其疾敬德言之諄望之切若臣事少主倦倦之心也異時成王為守文命主而周家十世十年過於夏商且過其曆然後知召公之言真人生之藥石國家之著龜也哉

拜手稽首曰予小臣敢以王之讎民百君子越友民保受王威命明德王末有成命王亦顯我非敢勤惟恭奉幣

用供王能祈天永命辭民殷之頑民與三監叛者百君子殷之御事庶士也友民周之友順民也保者保而不失受

者受而無拒威命明德者德威德明也末終也召公於篇終致敬言予小臣敢以殷周臣民保受王威命明德王當終有天之成命以顯於後世我非敢以此為勤惟恭奉幣帛用供王能祈天永命而已蓋奉幣之禮臣職之所當恭而祈天之實則在王之所自盡也又案恭奉幣意即上文取幣以錫周公而旅王者蓋當時成王將舉新邑之纂註林氏曰讎民百君子猶頑民而謂之多士也祀故召公奉以助祭云

纂註蘇氏曰百君子殷周之賢士大夫○薛氏曰先讎民後友民者作洛以鎮靜商人為先也與前言先服殷御事同意○陳氏經曰保受王之威德奉行之此臣之職也王既有成命當求所以永命成命在今日永命在子孫保受王之威德者臣下之所能至於祈天永命則非人臣之所能在人君疾敬德以祈天命我非敢勤者召公不敢自以治洛為功勞也至此則責望於王之身者甚重恐成王專倚恃臣下也我但能恭奉幣以供王慶王之能祈天永命而已則祈天永命在王而不在于召公矣○陳氏大猷曰篇終復總始末之要以告王敢以讎民等保受威命明德者因庶殷侯甸和會作洛而言敢以者自任之辭如命侯甸庶殷即王之威命宅洛圖治即王之明德和會丕作即保受也王末有成命與上王厥有成命相應王亦顯與上越王顯相應然我非敢自以為功勤慮王以為人心已從天命已定而自足也惟恭奉幣指前取幣旅王而言供王能祈天永命將以致慶而已期望不已之意可謂婉而篤矣記曰頌而無諂諫而無驕召公以之○新安陳氏曰所謂能祈天永命不過上文敬德愛小民之事敬德愛小民即祈天永命之能也上文已盡之故於篇終特以能字該之

洛誥

洛邑既定周公遣使告卜史氏錄之以為洛誥又并記其君臣答問及成王命周公留治洛之事今文古文皆有○案周公拜手稽首以下周公授使者告卜之辭也王拜手稽首以下成王授使者復公之辭也王肇稱殷禮以下周公教成王宅洛之事也公明保予冲子以下成王命公留後治洛之事也王命予來以下周公許成王留洛君臣各盡其責難之辭也併來以下成王錫命誌殷命寧之事也戊辰以下史又記其祭祀冊誥等事及周公居洛歲月久近以附之以見周公作洛之始終而成王舉祀發政之後即歸于周而未嘗

輯錄 因讀尚書先生曰其間錯誤解不得處煞多昔呂伯舉洛誥問之云據成王只使周公往營洛故併來獻圖及卜成王未嘗一日居洛後面如何却與周公有許多答對又云王在新邑此如何解伯恭遂無以答後得書云誠有解不得處雜洛誥之文有不可曉者其後乃言王在新邑而其前已屢有答問之辭矣答潘子善

纂註 葉氏曰此篇當與召誥參看蓋非一時之言史取周公得卜至遣使告卜相與往來告戒本末序次之以示後世也○王氏曰此誥有不可知者當闕之而釋其可知者○新安陳氏曰此篇大可疑者惟有公告王宅洛行祀出命之辭而不載王至洛之事與其日月觀十二月在洛祭告命周公留治洛之事尚謹書之則自三章九句脫簡在康誥之首則首至洛之事其脫簡又可想矣且孺子其朋及汝惟冲子惟終等處聲牙難通又王曰公功葉迪篤之下無

周公答辭而即又繼以王曰豈非此等處有脫簡錯簡邪姑從諸說可也

周公拜手稽首曰朕復子明辟

此下周公授使者告卜之辭也拜手稽首者史記周公遣使之

禮也復如逆復之復成王命周公往營成周公得卜復命于王也謂成王為子者親之也謂成王為明辟者尊之也周公相成王尊則君親則兄之子也明辟者明君之謂先儒謂成王幼周公代王為辟至是反政成王故曰復子明辟夫有失然後有復武王崩成王立未嘗一日不居君位何復之有哉蔡仲之命言周公位冢宰正百工則周公以冢宰總百工而已豈不彰彰明甚矣乎王莽居攝幾傾漢鼎皆儒者有以啓之是不可以不辨○蘇氏曰此下有脫簡在康誥自惟三月哉生魄至

纂註 孔氏曰周公言我復還明君之政于孺子成王洪大誥治四十八字

朱子采之集解並見蔡傳○程子曰猶言告嗣天子王矣○葉氏曰復如孟子有復于王之復自孔氏以復子明辟謂周公攝而歸政之辭古今儒者從之不敢易獨王氏以為不然世或未之信焉以予考之周公踐天子位以治天下初無經見獨明堂位云爾明堂位非出吾夫子也蓋武王崩周公以冢宰攝政此禮之常攝者攝其事非攝其位世見周公在喪之攝不知其非以成王幼而攝故至卜洛猶有歸政之言則王氏之言為有證○蔡初王氏曰篇末七年之說陳氏引記禮為證固也然踐天子位又不可不闕○新安陳氏曰素王莽廢漢孺子嬰為安定公執其手流涕曰昔周公攝位終得復子明辟今予獨迫皇天威命不得如意蓋因孔氏釋

王如弗敢及天基命定命予乃胤

經之誤莽遂借此以文其姦

保大相東土其基作民明辟

凡有造基之而後成成之而後定基命所以成始也定命所以成終

輯錄

也言成王幼冲退託如不敢及知天之基命定命子乃繼太保而往大相洛邑其庶幾為王始作民明辟之地也洛邑在鎬京東故曰東土

乙卯朝至于洛師我卜河朔黎水我乃卜澗水東瀍

水西惟洛食我又卜瀍水東亦惟洛食佯來以圖及

獻卜

乙卯即召誥之乙卯也洛師猶言京師也河朔黎水河北黎水交濟之城在澗瀍之間下都在瀍水之外其地皆近洛水故兩云惟洛食也食者史先定墨而灼龜之兆正食其墨也佯使也圖洛之地圖也獻卜獻其卜之兆辭也

纂註

蘇氏曰黎水今黎陽也○呂氏曰卜都之意主於商民先卜河朔黎水者固其所安也意在近地者商民之心意在地中者周公之心竝列二說以聽於天而已卜黎於先者先人後己之心也黎既不吉改卜洛邑龜乃協從蓋周公之心即天心也無間故無違也○史氏濟曰世或謂周公三卜而後洛初於黎水再於澗東瀍西又於瀍東皆不若洛之吉豈知澗瀍之東西即洛之中也澗水之東即洛之偏也同名為洛而王城頑民之居不同非洛自為洛

澗瀍自為澗瀍洛邑居天下之中伊洛澗瀍實周流於其間天子南嚮則澗水在洛之右瀍水在洛之左周公於澗瀍之中龜兆告吉遂營王城以建王宮定郊社宗廟是為郊鄔之地今之河南是也又循之左越瀍水之東龜復告吉遂營下都名曰成周又曰東郊以居殷民今之洛陽是也二城相距蓋十有八里

王拜手稽首曰公不敢不敬天之休來相宅其作周

匹休公既定宅佯來來視予卜休恒吉我二人共貞

公其以予萬億年敬天之休拜手稽首誨言

此王授使者復公之辭也王拜手稽首者成王尊異周公而重其禮也匹配也公不敢不敬天之休命來相宅為周匹休之地言卜洛以配周命於無窮也視示也示我以卜之休美而常吉者也二人成王周公也貞猶當也十萬曰億言周公宅洛規

模宏遠以我萬億年敬天之休命故又拜手稽首以謝周公告卜之誨言

拜受公言猶禹之拜昌言也書說 宗周之辭我與公其共貞固守此基業乎以予者使之辭倚之者甚重而望之者甚長也○或曰王不在洛言來者順公所在而言○王氏卜朋曰詩之作豐伊匹與此匹休同意○夏氏曰貞如厥賦貞之貞謂相當也王欲與公共當此吉祥○葉氏曰凡卜有貞其吉凶者太卜言國大遷大師則貞龜二人皆知其吉斷而以示天下也○王氏曰言宅洛之事定矣公當以予永遠敬天之休以承此休常吉之卜也○周公曰王肇稱殷新安胡氏曰視與示同古通用漢書凡示字例作視

禮祀于新邑咸秩無文

此下周公告成王宅洛之事也殷盛也與五

言王始舉盛禮祀于洛邑皆序其所當祭者雖祀典不載而義當祀者亦序而祭之也呂氏曰定都之初肇舉盛禮大饗羣祀雖祀典不載者咸秩序而祭之有告焉有報焉有祈焉始建新都昭假上下告成事也西陽時若大役以成報神賜也自今以始永奠中土祈鴻休也後世不知祭祀之義鬼神之神觀周公首以祀于新邑為言若濶於事情者抑不知人主臨鎮新都之始齊被一心對越天地達此精明之德放諸四海無所不準而助祭諸侯下逮胞翟之賤亦皆

有孚顯若收其故而合其離蓋格君心萃輯錄自此以下漸不可曉蓋不知天下之道莫要於此宜周公以為首務也

公俱在洛對問之言葉氏以為王得卜而至洛既祭復歸鎬因留周公居守而周公言此言皆不可考然葉氏說後數章貫穿今從之書說纂註

復齋董氏曰易曰殷薦之上帝禮有殷祭殷真皆取殷盛之義○新安陳氏曰王氏謂此殷禮疑即篇末十二月戊辰之祭史述其語於前而記其事於後也竊意十二月之祭不過以周公留洛之事就冬丞以告文武耳此曰殷禮曰秩無文乃非常盛禮豈十二月之祀足以當之三月後以至十一月王必當親

至洛行大祀禮今脫去矣自此下至無遠用戾乃洛邑既成公自洛歸鎬告王以宅洛所當行之事及欲退老之辭也肇稱殷禮以下乃周公至鎬請王往新邑舉祀禮及朝諸侯證之召諸公至洛定宅後當還鎬京觀召公取諸侯之幣

錫公由公以達王則可見矣孺子其朋以下必有訛誤脫簡漏却王祀新邑必無在此處

子齊百工倂從王于周子惟曰庶有事周公言于整齊百官

使從成王于周謂將適洛時也子惟謂之曰庶幾其有所事乎公但微示其意以待成王自教詔之也輯錄此本其攝政時言總已以聽也周謂宗周也言我所總百官因使之從纂註夏氏曰王祭于新王于周而我則未敢歸周恐新邑之有事也書說纂註邑我則整齊百官使從王往新邑惟謂百官言汝從王而往庶幾必有事於周欲禮樂日天子出也○新安陳氏曰周公言我今整齊共營洛之百官使從王于宗周我惟謂之曰王庶幾將適新邑而有事乎國之大事在祀與戎故古人於祭祀皆曰有事公但微示王將行祀事於洛之意於百官以待王之自教詔之也

王即命曰記功宗以功作元祀惟命曰汝受命篤弼

功宗功之尊顯者祭法曰聖王之制祭祀也法施於民則祀之以死勤事則祀之以勞定國則祀之能禦大災則祀之能捍大患則祀之蓋功臣皆祭於大烝而勳勞之最尊顯者則為之冠故謂之元祀周公教成王即命曰記功之尊顯者以功作元祀矣又惟命之曰汝功臣受此褒賞之命當益厚輔王室蓋作元祀既以慰答功臣而又勉其玉視功載乃汝其悉自教工玉大視載者記功之載籍也大視功載而無不公則百工效之亦皆公也大視功載而或出於私則百工效之亦皆私也其公其私悉自汝教之所謂乃汝其悉自教工也上章告以褒賞功臣輯錄今王乃命曰我嘗記人之功而尊之又以此故戒其大視功載者如此輯錄功因新邑殷祀而告之神明矣王氏曰記功蓋若紀于大常藏在盟府之類王言成王又命我曰汝周公受先王之命而厚輔我大視功載則可見矣凡我所自教之功方我之朋猶言太史友內史友友

邦冢君也功載記功之書也王似欲留百工於洛以聽周公之命成王與周公
言未嘗汝之此周公述王言故變公稱汝也書說今王即命曰至元祀為一
節惟命曰至孺呂氏曰洛邑既成周業既定論創業之勳不可後也功
子其躬為一節臣之冠天下觀瞻鎮服羣下實繫此舉論功莫先於宗
言宗則凡功臣可得而推矣報功莫重於祀言祀則凡慶賞可得而推矣○吳
氏曰已死者祀之其生者則載以旌賞之○新安陳氏曰公因告王今當即出
命曰新邑之祀將記錄創業功臣之宗勳勞最顯者以其功列之大祀使與享
矣又當專命羣臣曰汝之受命而能厚輔王室者亦將大視其功而紀載之於
冊書以功作元祀者所以報功臣於既往不視功載者所以勵功臣於方來載
之今日又當祀之後日也公又謂王言上即命惟命二說乃汝其悉自教詔於
百工其機雖自公發之其教當自王出之也孺子其朋孺子其朋其往無若火始

燄燄厥攸灼敘弗其絕孺子稚子也朋比也上文百工之視效如此
則論功行賞孺子其可少向比黨之私乎孺

子其少向比黨之私則自是而往有若火然始雖燄燄尚微而其灼爍將次第
延熾不可得而撲滅矣言論功行賞徇私之害其初甚微其終至於不可遏絕
所以嚴其辭而輯錄周公言既如此則孺子往矣但汝所朋不可不慎燄火
禁之於未然也始然尚微而方進之貌灼焚也敘次第也書說一孺子
其朋其纂註林氏曰如漢之朋黨始於甘陵南北部唐之朋黨始於牛李其
往也終縉紳稔禍海內塗炭是也○新安陳氏曰自此以下必脫誤
所當闕疑如一孺子句及灼敘語皆不厥若彛及撫事如子惟以
可曉與上下文亦不相貫始存舊說

在周工往新邑俾嚮即有僚明作有功惇大成裕汝

永有辭其順常道及撫國事常如我為政之時惟用見在周官勿參以私
人往新邑使百工知上意嚮各就有僚明白奮揚而赴功惇厚博

亦永有辭于後世矣大以裕俗則王之休聞
事當惟用此人慎終之道當如此也一言我今往新邑既使嚮就其有僚矣明

作有功之事務為惇大之道以成寬裕之政則汝亦長有寬裕之辭於後世矣
言往者如云來相宅順王所在而言趨事赴功常失之急薄故又言惇大成纂
裕以救其失書說厥若彛至在周工為一節往新邑至汝永有辭為一節

注呂氏曰漢文近於惇大成裕而無所謂明作有功漢宣近於明作有功而無
所謂惇大成裕○新安陳氏曰厥若彛及撫事如子俾嚮即有僚亦不可曉

惟以在周工往新邑乃是欲王以從王于公曰已汝惟冲子惟終
周之百工往之新邑也此八字却有照應

周之王業文武始之成王當終之也此上詳於記功輯錄周公言已矣乎汝
教工內治之事此下則統御諸侯教養萬民之道也

慎厥終也書說汝其敬識百辟享亦識其有不享享多儀

儀不及物惟曰不享惟不役志于享凡民惟曰不享

惟事其爽侮此御諸侯之道也百辟諸侯也享朝享也儀禮物幣也諸侯
享上有誠有偽惟人君克敬者能識之識其誠於享者亦識

其不誠於享者享不在幣而在於禮幣有餘而禮不足亦所謂不享也諸侯惟不用志於享則國人之仁之亦皆謂上不必享矣舉國無享上之誠則政事安得不至於差爽僭侮墮王度而為叛亂哉人

輯錄 享朝而以幣享王誠以奉上君可不以敬存心辨之於早察之於微乎

往有輕上之心以為可以幣交也曰吾幣足矣何以禮為如是者猶不享也云云如是則是成王實啓此亂而遺周公以憂勤不暇也書說詳見蔡傳

纂註 蘇氏曰小人賄以悅人必簡於禮公戒王責諸侯以禮不以幣恐一節 其役志乎物而不役志乎禮則諸侯慢而王室輕矣此治亂之本故公持言之春秋傳曰晉趙文子為政薄諸侯之幣而重其禮晉穆叔曰自今以往兵其少弭矣夫以列國之知輕幣重禮猶足以弭兵王而賄其致寇也必矣唐之衰君相皆可以賄取方鎮爭貢羨餘行苞苴而天子始失其政以至於亡周公之戒至矣○新安胡氏曰此因將往新邑朝諸侯而言亦因召公取諸侯之幣旅

乃惟孺子頌朕不暇聽朕教汝于棐民彝汝

乃是不獲乃時惟不永哉篤敘乃正父罔不若予不

敢廢乃命汝往敬哉茲予其明農哉彼裕我民無遠

用戾 此教養萬民之道也頌朕不暇未詳或曰成王當頒布我汲汲不暇者以長久之道矣正父武王也猶今稱先正云者篤者篤厚而不忘敘者先後之不紊言篤敘武王之道無不如我則人不敢廢汝之命矣呂氏曰武王沒周公

如武王故天下不廢周公之命周公去成王如周公則天下不廢成王之命戾至也王往洛邑其敬之哉我其退休田野惟明農事蓋公有歸老之志矣彼謂洛邑也王於洛邑和裕其

輯錄 周公戒成王使聽我教汝以輔民常性之道民則民將無遠不至焉

是常性者惟在乎勉而已一說乃惟孺子頌朕不暇連此段言成王不聽我言是分我以不暇也 篤敘汝武王之所行無不如此所以厚敘者我不廢汝自敘工之命汝往歸宗周汝其敬敘武王之事而我留於此修后稷先公之業明農事以敘民亦王業艱難之意也我民裕矣則彼殷民以教民為裕亦無有遠而不至者書說 聽朕至永

纂註 息齋余氏曰說命先正訓為先世長官我為一節篤敘至用戾為一節

曰武王撥亂反正故稱為正父○新安陳氏曰此一節除汝往敬哉茲予其明農哉二句外皆不可曉皆當闕之味此二句可見公時在鎬欲王往新邑而已將退老也此章之下當必有公從王

王若曰公明保子冲子公稱

王顯德以予小子揚文武烈奉答天命和恒四方民

居師 此下成王答周公及留公也大抵與上章參錯相應明顯明之也保保公明保成王舉大明德使其上之不

輯錄 居師營洛邑定

纂註 新安胡氏

至洛舉祀後與公言將留公治洛

惇宗將禮稱秩元祀咸秩無

先敘述公之功德以慰藉之也

文宗功宗之宗也下

纂註

孔氏曰厚尊大禮舉秩大祀○蘇氏曰博宗厚

也○陳氏大猷曰禮者人所宗而尊者故伯夷典禮曰秩宗春官典禮曰宗伯
所宗尊之禮也○新安陳氏曰此蓋王述已行之事之辭即答公所謂王肇稱殷禮祀于新邑咸秩無文也

上下勤施于四方旁作穆穆迓衡不迷文武勤教予

冲子夙夜必祀

旁無方所也因上下四方為言穆穆和敬也迓迎也言

輯錄

德以迎迓太平之治而不迷于先王之教書說

纂註

曰已太平方且

和敬以迓之已治猶未治也使以爲既平則無豐豐方進之意盈而不可久矣
○蘇氏曰祭則我冲子政則周公成王言我歸宗周必祀而巳○曹氏曰衛
獻公云政由甯氏祭則寡人亦略猶是

厚矣當常如是

輯錄

公之功輔導我厚矣無不若是以上所稱也書說

王曰公子小子其

退即辟于周命公後

此下成王留周公治洛也成王言我退即居于周命公留後治洛蓋洛邑之作周公本欲成王

遷都以宅天下之中而成王之意則未欲捨錫京而廢祖宗之舊故於洛邑舉

祀發政之後即欲歸居于周而留周公治洛謂之後者先成王之辭猶後世留

守留後之義先儒謂封伯禽以爲魯後者非是考之費誓東郊不開乃在周公

輯錄

上文王曰兩段周公無答辭疑有關文成王言我當歸即政

東征之時則伯禽就國蓋已久矣下文惟告周公其後其字之義益可見其爲
伯禽也曰

王既歸命周公在後看公定予往已一言便見得是周公且之後之意卓
承相說書亦有好處如命公後衆說亦皆云命伯禽爲周公之後史云成

謂其退即辟于周味退之一字則王時進在洛邑可知據身在洛邑言故以還

纂註

歸宗周爲退固王之謙辭亦述往返語勢之當然耳先儒於此皆忽之故不

敢質言此章爲王至洛後之辭也

受民亂爲四輔

將大也周公居洛啓大其後使我士師工有監視大

蓋本諸此今案先言啓大其後而繼以

輯錄

周公在後監我百官士也師

註新安陳氏曰王制曰設四輔及三公四輔左輔右弼前疑後丞也引王制之四輔解此四輔亦與朱子四鄰之說合王以治為四輔之大臣望公下文公以治為四方之新辟望王君臣交相期望意相照應蔡氏引漢三輔為比豈成周之時亦有四輔耶如漢京兆馮翊扶風之可枚舉者乎 **王曰**

公定予往已公功肅將祇歡公無困哉我惟無斃其

康事公勿替刑四方其世享 定爾雅曰止也成王欲周公止洛而自歸往宗周言周公之功人皆

肅而將之欽而悅之宜鎮撫洛邑以慰懼人心母求去以困我也我惟無斃其安民之事公勿替所以監我士師工者四方得以世享公之德也吳氏曰前漢書兩引公無困哉皆 **輯錄** 此王與公決而歸之言也公定居洛予往歸周以哉作我當以我為正 **輯錄** 已公功敬云云公無困哉言公無以事自困猶漢所謂閔勞公以官職之事也我則當無厭倦於安國安民 **纂註** 張氏曰公之事公但勿廢其所以儀刑四方者則四方其世享矣書說 **纂註** 之功如此猶肅敬以自將謂不驕矜人皆敬之樂之○真氏曰公功如此而猶以肅自將所以示儀刑於我者○一說世享世尊 **周公拜手我百曰王命** 享我周無困勿替皆欲公留而勿去之意

予來承保乃文祖受命民越乃光烈考武王弘朕恭

此下周公許成王留等事也來者來洛邑也承保乃文祖受命民及光烈考武王者答誕保文武受民之言也責難於君謂之恭弘朕恭者大其責難之義也

輯錄 此王歸後使人來勞周 **孺子來相宅其大博典殷獻民**

惟王有成績 典與章也殷獻民殷之賢者也言當大厚其典章及殷之治為四方新主也作周恭先者人君恭以接下以恭而倡後王也公又言其自是宅中圖治萬邦咸底休美則一其有成績矣此周公以治洛之效望之成王也 **纂註** 新安胡氏曰孺子來相宅乃公述王之此行也作周恭先為周家恭自時中又其即 **子且以多子越御事篤前人成烈答其師** 將然之辭也

作周孚先考朕昭子刑乃單文祖德 多子者衆卿大夫也唐孔氏曰子者有德之稱

大夫皆稱子師衆也周公言我以衆卿大夫及治事之臣篤厚文武成功以答天下之衆也孚信也作周孚先者人臣信以事上以信而倡後人也考成也昭子猶所謂明辟也親之故曰子刑儀刑也單殫也言成我明子儀刑而殫盡文王之德蓋周公與羣臣篤前人成烈者所以成成王之刑乃殫文祖德也此周公以治洛之 **纂註** 呂氏曰於王言恭先於已言孚先考察也察我告子之言事自效也 **纂註** 乃盡本於文祖之德蓋文德之精微皆在此自如考察可也○新安陳氏曰作周孚先為周家孚信之臣之先以信而率先後之為臣者也亂為四方新辟當與亂為四輔對觀作周孚先當與作周恭先對觀蓋公與

也○新安陳氏曰作周孚先為周家孚信之臣之先以信而率先後之為臣者也亂為四方新辟當與亂為四輔對觀作周孚先當與作周恭先對觀蓋公與

王交相期望各盡責任之辭考朕昭子刑即答前公勿替刑之言此云昭示成王之儀刑則勿替刑其為勿替示成王以儀刑可見矣蔡氏以昭子為如所謂明辟恐未當○陳氏大猷曰此處上下疑有闕文

佅來恣殷乃命寧子以秬鬯二

貞曰明禋拜手稽首休享此謹恣殷民而命寧周公也秬黑黍也一稗二米和氣所生鬱金香草也貞中尊也明潔禋敬也以事神之禮事公也蘇氏曰以黑黍為酒合以鬱鬯所以禋也宗廟之禮莫盛於禋王使人來戒敕庶殷且以秬鬯二貞經寧周公曰明禋曰休享者何也事周公如事神明也古者有大賓客以享禮禮之酒清人渴而不飲肉乾人飢而不食也故享有體薦豈非敬之至者則其禮如祭也歟

予不敢宿則禋于文王武王宿與願命三宿之宿同禋祭名周公不敢受此禮而祭於文武也

惠篤敘無有蘇氏則予不敢宿之義只合并從蘇氏不宿於家之說方為通不然則既不敢進爵於神前而又曰禋于文武何邪

邁自疾萬年厭于乃德殷乃引考此祭之祝辭周公為成王禱也惠順也篤敘與篤敘

乃正父同順篤敘文武之道身其康強無有邁邁自

年其永觀朕子懷德承聽受也敘敘條次第也王使殷人承敘萬年其永觀法我孺子而懷其德也蓋周公雖許成

王留洛然且謂王佅殷者若曰遷洛之民我固任之至於使其承敘萬

年則實繫于王也亦責難之意與召誥末用供王能祈天永命語脉相類

新安陳氏曰惠篤敘至朕子懷德此祝辭全文蔡氏分為二節似不以末二句

為祝辭何也惠篤敘至乃德此公自致禱祝之辭也殷乃至懷德此公為王禱祝

之辭也雖曰祝辭然禱祝之中有規勉之意末二句歸重於王非徒儆福於先

王而已○張氏曰觀此書周公不敢當成王相嘗之禮則天子之禮樂公其敢

當乎所以春秋於魯之郊禘皆貶其僭則成王

之賜伯禽之受其失可見豈周公之所敢安乎

歲文王駢牛一武王駢牛一王命作冊逸祝冊惟告

周公其後王賓殺禋咸格王入太室裸此下史官記祭祝冊誥等事以附篇末也

戊辰十二月之戊辰日也是日成王在洛舉烝祭之禮曰歲云者歲舉之祭也

問尚赤故用駢宗廟禮太牢此用特牛者命周公留後於洛故舉盛禮也逸史

佚也作冊者冊書也逸祝冊者史逸為祝冊以告神也惟告周公其後者祝冊

所載更不他及惟告周公留守其後之意重其事也王賓猶虞賓祀宋之屬助

冊逸誥在十有二月逸誥者史逸誥周公治洛留後也在惟周公

誕保文武受命惟七年吳氏曰周公自留洛之後凡七年而薨也

成王也亦言承保乃文祖受命民越乃光烈考武王故史臣於其

終計其年曰惟周公誕保文武受命惟七年蓋終始公之辭云

輔成王大保文武所受命至此為七年矣○新安陳氏曰此三節史臣記王在

洛以留公在後洽洛之事祭告文武及命公也戊辰先儒謂七年十二月晦日

唐孔氏推之謂此歲三月丙午朏閏九月辛未朔小則十二月三十日戊辰晦

周十二月建亥之月也其言良是上言逸祝冊告文武之冊也下云作冊逸誥

告命周公之冊也重其事故既廟祭而冊祝先王又因廟祭而冊命周公也前

言戊辰而結以在十有二月明戊辰為十二月之戊辰言十二月而繼以惟周

公誕保文武受命惟七年明十二月為此七年之十二月也此乃古史紀載倒

文法也此章次第當在成王至洛舉大祀行大政之後與公別而歸鎬之前今

以尾王歸鎬後遣使寧公之後次序倒矣其錯簡顛倒邪抑史追書之也不可

考矣又曰惟七年有二說朱蔡本葉吳說同今從張氏者案禮記云七年致政

於成王王肅於金縢篇末云武王年九十三冬十一月崩其明年稱元年周公

攝政遭流言東征三年而歸制禮作樂出入四年六年而成七年營洛邑歸政

成王武王崩時成王年已十三矣至是年二十王肅此說與記合七年始終鑿

鑿可考葉吳留洛七年而後公薨之說未見所據何苦捨有據之舊說而從此

乎古無年號只得表之曰周公誕保文武受命之十年亦如左氏所謂會於沙

隨之歲浪梁之明年之類耳兼之康誥脫簡之惟三月哉生魄蔡傳既曰周公

攝政七年之三月矣此之惟七年乃曰留洛之後七年而薨豈應攝政至是既

當第七年留後至薨又恰七年邪由此言之則知蔡傳二處自相牴牾康誥得

之而洛誥失之也

多士 商民遷洛者亦有有位之士故周公洛邑初政以王命總呼

氏曰方遷商民於洛之時成周未作其後王與周公患四方之遠鑿

三監之叛於是始作洛邑欲徙周而居之其曰昔朕來自奄大降爾

初也曰今朕作大邑於茲洛予惟四方固攸賓亦惟爾多士攸服奔

走臣我多遜者言遷民而後作洛也故洛誥一篇終始皆無欲遷商

多士

商民遷洛者亦有有位之士故周公洛邑初政以王命總呼

註

張氏曰周之頑民乃商之忠臣也王曰篇名多士而序以為

是也

此書稱士皆在官之殷士也且周公未始以殷民為頑成王命

是也

此書稱士皆在官之殷士也且周公未始以殷民為頑成王命

是也

此書稱士皆在官之殷士也且周公未始以殷民為頑成王命

是也

此書稱士皆在官之殷士也且周公未始以殷民為頑成王命

是也

此書稱士皆在官之殷士也且周公未始以殷民為頑成王命

君陳始有無忿疾于頑之語夫殷民不附周謂之頑可也
之頑可乎故頑之一字周公於康誥酒誥多士多方等書未嘗出諸
其口也新安陳氏曰諸家過信小序所以於昔朕來自奄全說不通吳蔡當矣

惟三月周公初于新邑洛用告商王士

此多士之本序也三月成王祀洛次年之

三月也周公至洛久矣此言初者成王既不果遷留公治洛

纂註

孔氏曰周

至是公始行治洛之事故謂之初也曰商王士者貴之也
年三月也夏氏曰于往也○或曰于於也王氏曰殷民遷于成周從舊長所治
故先告之殷士順從則殷民皆然矣新安陳氏曰蔡氏從孔氏以此三月為祀
洛次年之三月皆以書之篇次意料之耳何以知其必然邪案召誥洛誥及脫
簡在康誥之日月周公正以七年三月至洛此之三月即彼之三月也得卜經
營之後便可告商士矣作書者以此專為告商士而故作自錄為一篇而次之
洛誥之後豈得以在十有二月已結局了却頭年事而此之三月遂必以為次
年事邪七年無兩七年三月亦無兩三月如此解經皆拘蔽自牴牾耳陳
氏傳良曰此二篇皆稱王若曰則是相宅年之三月作之不待辯而知也

若曰爾殷遺多士弗弔旻天大降喪于殷我有周佑

命將天明威致王罰勅殷命終于帝

弗弔未詳意其為歎憫之辭當時方言爾也旻

天秋天也主肅殺而言歎憫言旻天大降災害而喪殷我周受眷佑之命奉將天之明威致王罰之公勅正殷命而格之以終上帝之事蓋推革命之公以開

論之

纂註

息齋余氏曰弗弔大誥引不弔旻天為訓甚明此以為未詳何也呂氏曰以天言之曰明威以人言之曰王罰陳氏大猷曰勅正殷

命之終于帝王曰終

與受終于文祖之終同

肆爾多士非我小國敢弋殷命惟天

不畀允罔固亂弼我我其敢求位

肆與康誥肆汝小子封同弋取也弋鳥之弋言有心於取

之也呼多士誥之謂以勢而言我小國亦豈敢弋取殷命蓋裁者培之傾者覆之固其治而不固其亂者天之道也惟天不與殷信其不固殷之亂矣惟天不固殷之亂故輔我周之治而天位自有
所不容辭者我其敢有求位之心哉

纂註

蘇氏曰固如推亡固存之固信矣天之固治不固亂也林氏曰

為惟天明畏

秉持也言天命之所不與即民心之所秉為民心之所秉為即天威之所明畏者也反覆天民相因之理以見天之

果不外乎民之果不外乎天也詩言秉

纂註

孔氏曰惟天不與紂惟我下

舜此言秉為者舜以理言為以用言也
之效陳氏經曰紂之惡至於失人心則天命之所去周之德至於下民秉為即天命之所與新安陳氏曰蔡本呂說然孔註為優既曰惟天不畀又曰惟帝不畀既曰將天明威又曰惟天明畏反覆以天命之去留曉殷士而潛消其覬覦猜疑之私耳息齋余氏曰明畏只如卑謨篇所訓為明

上帝引逸有夏不適逸則惟帝降格嚮于時夏弗克

庸帝大淫泆有辭惟時天罔念聞厥惟廢元命降致

罰

引導逸安也降格與呂刑降格同呂氏曰上帝引逸者非有形聲之接也人心得其安則靈臺而不能已斯則上帝引之也是理坦然亦何間於第禁喪其良心自不適於安耳帝實引之禁實避之帝猶未遽絕也乃降格災

異以示懲儆於禁禁猶不知警懼不能敬用帝命乃大肆淫逸雖有矯誣之辭而天罔念聞之伸神所謂帝用不臧是也廢其大命降致其罰而夏祚終矣

纂註

陳氏大猷曰天於人君常欲導德日休即帝之引逸也桀乃不適於逸自趨於危○呂氏曰天人之際惟極乃

通治極則通格于皇天是也亂極亦通惟帝降格是也桀惡升聞故帝降格譴告災異以示所嚮於是覆邦董子曰天心仁愛人君必出災異以警戒之即降格之謂也自絕於天天亦絕之國之元命猶人之元氣有則生無則死者也

乃命爾先祖成湯革夏俊民甸四方

甸治也伊尹稱湯旁求俊彥孟子稱湯立賢無

方蓋明揚俊民分布遠邇甸治區畫成湯立政之大經也周公反復以夏商為言者蓋夏之亡即殷之亡湯之興即武王之興也商民觀是亦可以自反矣

纂註

新安胡氏曰甸如奄甸萬姓之甸

自成湯至于帝乙罔不明德恤祀

明德者所以修其身恤祀者所以敬乎神也

亦惟天丕建保乂有殷殷王亦罔敢

失帝罔不配天其澤

亦惟天大建立保治有殷殷之先王亦皆操存此心無敢失帝之則無不配天以澤民也

纂

註

薛氏曰無所不泆天之澤也王者宅天下無彼疆此界之殊配天其澤也○新安陳氏曰罔敢失帝能體承上天不敢失其心也蔡氏以帝則言求

之太深此之罔不明德與下文惟天不畀不明厥德當對觀恤祀與罔失帝配天澤皆自克明德中來也商先王以明德而得天命也如此 在今

後嗣王誕罔顯于天矧曰其有聽念于先王勤家誕

淫厥泆罔顧于天顯民祗

後嗣王紂也紂大不明於天道況曰能聽念商先王之勤勞於邦家者乎大肆

淫泆無復顧念天之顯道民之敬畏者也

惟時上帝不保降若兹大喪

大喪者國亡而身戮也 惟

天不畀不明厥德

商先王以明德而天丕建則商後王不明德而天不畀矣

凡四方小大

邦喪罔非有辭于罰

凡四方小大邦國喪亡其致罰皆有可言者况商罪貫盈而周奉辭以伐之者乎

纂註

呂氏曰天也祖宗也民也自古帝王所共畏也紂不聽念先王罔顧天顯民祗三畏皆亡無所不至矣○新安陳氏曰紂之眾惡皆自不明德中來其以不明德而失天命也如此 王若曰爾殷多士今惟我周王丕靈承帝事

靈善也大善承天之所為也武成言祗承上帝以遏亂略是也

有命曰割殷告勅于帝

帝有命曰割殷則不

得不戡定剪除告其勅正之事于帝也武成言告于皇天后土將有大正于商者是也

惟我事不貳適惟爾王

家我適

上帝臨汝母貳爾心惟我事不貳適之謂上帝既命侯于周服惟爾王家我適之謂言割殷之事非有私心一於從帝而無二適則爾殷王家自不容不我適矣周不貳於帝殷其能貳於周乎蓋示以確然不可動搖之意而潛消頑民反側之情爾然聖賢事不貳適日用飲食莫不皆然蓋所以事天也豈特予其曰惟爾洪無度我不爾動自乃邑

肆不正

予亦念天即于殷大戾動變自爾邑猶伊訓所謂造攻自鳴條也予亦念天即于殷大戾

士予惟時其遷居西爾非我一人奉德不康寧時惟

天命無違朕不敢有後無我怨

冊有典殷革夏命

一人樂如是之遷徙震動也是惟天命如此汝母違越我不敢有後命謂有他罰爾無我怨也惟爾知惟殷先人有爾又曰夏迪簡在王庭有服在百僚予一人惟聽用

德肆予敢求爾于天邑商予惟率肆矜爾非予罪時

惟天命

周公既舉商革夏事以諭頑民頑民復以商革夏事責周謂商革夏命之初凡夏之士皆啓迪簡拔在商王之庭有服列于百僚之間今周於商士未聞有所簡拔也周公舉其言以大義折之言爾頑民雖有是言然予一人所聽用者惟以德而已故予敢求爾於天邑商而遷之於洛者以冀率德改行焉予惟循商故事矜恤於爾而已其不爾用者非我之罪

也是惟天命如此蓋章德者天之命今頑民滅德而欲求用得乎王曰多士昔朕來自奄予大降爾四國民命我乃明致天罰

移爾遐逝比事臣我宗多遜

降猶今法降等云者言昔我來自商奄之時汝四國之民罪皆應死我大降爾命不忍誅戮乃止明致天罰移爾遠居于洛以親比臣我宗周有多遜之美其罰蓋亦甚輕其恩固已甚厚今乃猶有所怨望乎詳此章則商民之

遷固已

輯錄

奄東方之國孟注

纂註

陳氏大猷曰此奄與淮夷三監同助武庚以

久矣伐奄在後誅奄即來也四國殷管蔡霍也以親我事我臣我宗法成周濟濟多遜之盛林氏曰移徙爾自遐逝之地使協比臣事於我家以多為遜順我宗猶言我家自洛而視殷之故地則殷為遠故以遷之於洛謂移爾遐逝也孔氏曰比近臣我宗周多為順道王曰告爾殷多士

今予惟不爾殺予惟時命有申今朕作大邑于茲洛

予惟四方罔攸賓亦惟爾多士攸服奔走臣我多遜

以自奄之命為初命則此命為申命也言我惟不忍爾殺故申明此命且我所以警洛者以四方諸侯無所賓禮之地亦惟爾等服事奔走臣我多遜而無所處故也詳此章則遷民在營洛之先矣吳氏曰來自奄稱昔者遠日之辭也作大邑稱今者近日之辭也移爾遐逝此事臣我宗多遜者期之之辭也攸服奔走臣我多遜者果能之辭也以此爾乃尚有爾土爾乃尚寧幹

又知遷民在前而作洛在後也幹事止居也爾乃庶幾有爾田業庶幾安爾所事安爾所居也詳此章所言皆仍舊有土田居止之辭信商民之遷舊矣孔氏不得其說而以得反所生釋之於文義似爾克敬天惟畀矜爾爾不克敬爾不啻不

有爾土予亦致天之罰于爾躬敬則言動無不循理天之所福吉祥所集也不敬則言動莫不

違悖天之所禍刑戮所加也豈特竄徙不有爾土而已哉身亦有所不能保矣

今爾惟時宅爾邑繼爾居爾厥有幹有年于茲洛爾小子乃興從爾遷邑西井為邑之邑繼

者承續安居之謂有營為有壽考皆于茲洛焉爾之子孫乃興自爾遷始也夫自亡國之末裔為起家之始祖頑民雖愚亦知所擇矣王曰又曰時予乃

或言爾攸居王曰之下當有關文以多方篇末王曰又曰推之可見時我或有所言皆以爾之所居止為念也申結上文爾居之意

纂註王氏炎曰王曰下必有脫簡又曰下必有脫文不可強解○愚謂多士一書中言興喪則由於天言天命則繫於德言德則本於敬終之以爾

上爾邑有恒產者有恒心而非誘之以利也

無逸逸者人君之大戒自古有國家者未有不以勤而興以逸而廢也益戒舜曰罔游于逸罔淫于樂舜大聖也益猶以是戒

之則時君世主其可忽哉成王初政周公懼其知逸而不知無逸也故作是書以訓之言則古昔必稱商王者時之近也必稱先王者王之親也舉三宗者繼世之君也詳文祖者耳目之所逮也上自天命精微下至猷猷艱難閭里怨詛無不具載豈獨成王之所當知哉實天下萬世人主之龜鑑也是篇凡七更端周公皆以嗚呼發之深嗟永歎其意深遠矣亦訓體也今文古文皆有

纂註

張氏

曰周召之於成王所陳在敬所成在逸蓋敬則不逸逸則不敬敬逸之分而歷年之延否享國之壽夭判焉召公以敬陳於前周公以無逸戒於後不如是不足以為周召○呂氏曰逸者禍亂之源三年東征以定外亂此特治其末流耳無逸者治源之書也無逸作於作洛之後成王即政之初○陳氏大猷曰逸者萬惡之根無逸者萬善之本無逸一書所以為百代元龜

周公曰嗚呼君子所其無逸

靜猶處所也君子以無逸為所動靜食息無不在是焉作輟則非所

謂所輯錄

君子所其無逸柳兄曰呂東萊解無逸一篇極好先生扣之曰伯恭如何解

敢如此說諸友請曰先生將如何說先生曰恐有脫字則不可知若說不行而必強立一說雖若可觀只恐道理不如此蓋卿道所在其無逸○呂氏曰凡人乍勤乍怠亦有無逸之時然能暫而不能居非所其無逸者也惟君子以無逸為所如魚之於水鳥之於林有不可得而離者焉○陳氏大猷曰所若北辰居其所之所謂○新安陳氏曰所其無逸與王敬安也猶止其所之所其無逸安於無逸也○新安陳氏曰所其無逸與王敬作所不可不敬德朱子皆不欲以處所安居之意釋之懼其巧鑿非古人之本意也然呂說為可喜外此則孔註所在之說林氏亦本之此外則無說矣所以呂說朱子非之而蔡氏仍本之真氏記無逸內却全不取呂蔡之說大學衍義中則又全采呂說云

乃逸則知小人之依

先知稼穡之艱難

林氏曰惟知稼穡之艱難為念而不

魚之依水木之依土魚無水則死木無土則枯民非稼穡則無以生也故舜自耕稼以至為帝禹稷躬稼以有天下文武之基起於后稷四民之事莫勞於稼穡生民之功莫盛於稼穡周公發

策註

留意於逸者乃所以能逸蓋好逸者

未必能逸無逸者乃能逸也○呂氏曰此非始於憂勤終於逸樂之論也蓋言先備嘗稼穡之艱難乃處於安逸則深知小人之所依未嘗知稼穡之艱難而遠處安逸與一宮室起一力役視若易然而民有不得其死者矣成王生於深宮遠處人上公深為之懼故以此章警之若以始勤終逸釋之是乾健之體有時而息矣後世漸不克終之患未必非此論啓之○南軒張氏曰周自后稷以農事開國歷世相傳相與咨嗟歎息服習乎艱難而詠歌其勞苦此實王業之根本也周公之告成王詩有七月皆言農桑之候書有無逸欲其知稼穡知小人之依帝王所傳心法之要端在於此夫治常生於敬畏而亂常起於驕逸使為國者每念稼穡之艱難而心不存焉者寡矣是心常存則驕矜逸豫何自而生豈非治之所由興歟○陳氏大猷曰所其無逸知小人之依此一篇之綱領後章言三宗文王及怨詈

相小人厥父母勤勞稼穡厥子乃

不知稼穡之艱難乃逸乃諺既誕否則侮厥父母曰

昔之人無聞知

不知稼穡之艱難乃逸者以逸為逸也俚語曰諺言視

艱難乃縱逸自恣乃習里巷鄙語既又誕妄無所不至不然則又訛誨其父母曰古老之人無聞無知徒自勞苦而不知所以自逸也昔劉裕奮農畝而取江

左一再傳後子孫見其服用反笑曰田舍翁得此亦過矣此正所謂昔之人無聞知也使成王非周公之訓安知其不以公劉后稷為田舍翁乎
蘇氏曰農夫之子生而飽暖且不知艱難而況於王乎○南史宋高祖劉裕孫孝武帝駿壞高祖所居陰室為玉燭殿牀頭有土障壁上掛葛燈籠麻繩拂袁顛因盛稱高祖儉德上曰田舍翁得此已為過矣

周公曰嗚呼我聞曰昔在殷王中

宗嚴恭寅畏天命自度治民祗懼不敢荒寧肆中宗

之享國七十有五年

中宗太戊也嚴則莊重恭則謙抑寅則欽肅畏則戒懼天命即天理也中宗嚴恭寅畏以天理而自檢律其身至於治民之際亦祗敬恐懼而不敢怠荒安寧中宗無逸之實如此故能有享國永年之效也案書序太戊有原命咸乂等篇意述其當時故天治民之事
纂註 孔氏曰以敬畏之故得壽考之福下文言逸樂之損壽○今無所考矣 呂氏曰上既論無逸之理此復舉無逸之君以示之法此中宗無逸之實嚴恭寅畏合而言之故也因彙穀而修省亦其畏天命之一端天人一理既畏天命必不敢輕下民祗懼不敢荒寧皆敬也惟敬故壽也主靜則慈遠博厚自強則堅實精明操存則血氣循軌而不亂收斂則精神內固而不浮至於儉約克治去戕賊之累又不在言凡此皆敬之方壽之理也自此至文王其壽莫非此理李氏和曰無逸必寡慾寡慾而不壽者鮮矣逸樂必多慾多慾而能全生者亦鮮矣既以無逸致壽者為之勸又以逸樂損壽者為之戒使前有所慕後有所警則知無逸之不可縱

其在高宗時舊勞于外爰

暨小人作其即位乃或亮陰三年不言其惟不言言

乃雍不敢荒寧嘉靖殷邦至于小大無時或怨肆高

宗之享國五十有九年

高宗武丁也未即位之時其父小乙使久居民間與小民出入同事故於小民稼穡艱難備嘗知之也雍和也發言和順當於理也嘉美靖安也嘉靖者禮樂教化蔚然於安居樂業之中也漢文帝與民休息謂之靖則可謂之嘉則不可小大無時或怨者萬民咸和也乃雍者和之發於身嘉靖者和之達於政無怨者和之著於民也餘見說命高宗無逸之實如此故亦有享國永年之效也
纂註 呂氏曰三年不言聖賢之君未必盡然故謂之乃或是一也或一道也小大無怨和萬民亦是意也篇末二章之論違怨詛祝怨詈實申此意而盡發之張氏曰不敢荒寧則志氣凝定精神純一此長年之基民心大和導迎善氣又所以致長年也蓋神氣耗散則根本不固厲氣外襲則天和日消有一于此皆足致天

其在祖甲不義惟王舊為

小人作其即位爰知小人之依能保惠于庶民不敢

侮鰥寡肆祖甲之享國三十有三年

史記高宗崩子祖庚立祖庚崩弟祖甲立則祖甲高宗之子祖庚之弟也鄭玄曰高宗欲廢祖庚立祖甲祖甲以為不義逃於民間故云不義惟王案漢孔氏以祖甲為太甲蓋以國語稱帝甲亂之七世而

殞孔氏見此等記載意為帝甲必非周公所稱者又以不義惟王與太甲茲乃不義文似遂以此稱祖甲者為太甲然詳此章舊為小人作其即位與上章爰暨小人作其即位文勢正類所謂小人者皆指微賤而言非謂儉小之人也作其即位亦不見太甲復政思庸之意又案邵子經世書高宗五十九年祖庚七年祖甲三十三年世次歷年皆與書合亦不以太甲為祖甲況殷世二十有九年承謬旁記曲說不足盡信要以周公之言為正又下文周公言自殷王中宗及高宗及祖甲及我周文王及云者因其先後次第而枚舉之辭也則祖甲之為祖甲而非太甲明矣

纂註 真氏曰祖甲或以為太甲或以為帝甲今考之經世書二君蘇氏以享國多寡為次此說得之呂氏曰商去周未遠故公以王耳目所接者言之○林氏曰不言湯而言三宗繼世之君與成王同也新安陳氏曰太甲帝甲二君皆有證據而太甲較分明經世書與三及字皆不足援以為辨太甲為商賢君萬萬不可磨何苦極力挽從來無人齒及之帝甲以排太甲乎否則兩說姑存之

自時厥後立王生則逸生則逸不知稼穡之艱難不聞小人之勞惟耽樂之從自時厥後亦罔或克壽或十年或七八年或五六年或四三年

纂註 過樂謂之耽泛言自三宗之後即君位者生則逸豫不知稼穡之艱難不聞小人之勞惟耽樂之從伐性喪生故自三宗之後亦無能壽考遠者不過十年七八年近者五六年三四年爾耽

樂愈甚則享年愈促也凡人莫不欲壽而惡夭此篇專以享年永永為言所以開其所欲而禁其所當戒也

纂註 蘇氏曰人莫不甚好者生也以其所甚好禁其所好庶幾必信然猶有不信者以逸豫為未必害生也漢武帝唐明皇豈無欲者哉而壽如此夫多欲不享國者皆是也武帝明皇千一而已豈可專望乎此哉○呂氏曰憂勤者必壽逸豫者必夭此周公格言大訓非持以戒成王實萬世人主之龜鑑也蓋人之一心苟有所操存則精神思慮日由乎天理之中其壽固可必孔子所謂仁者壽詩人所謂樂只君子萬壽無期亦即其理而推之耳後世之君憚憂勤而恣逸樂伐性傷生靡所不至乃欲慕神仙之術以求長年何其愚之甚也歟蔡初王氏曰蘇氏之說於經有助使好逸者無以漢武明皇藉口呂氏求神仙延壽之說三代前未有也然亦可備經筵進讀之一義

周公曰嗚呼厥亦惟我周太王王季克自抑畏

纂註 商猶異世也故又即我周先王告之言太王王季能自謙抑謹畏者蓋將論文王之無逸故先述其源流之深長也大抵抑畏者無逸之本縱肆怠荒皆矜誇無忌憚者之為故下文言文王曰

纂註 陳氏大猷曰克自者柔曰恭曰不敢皆原太王王季抑畏之心發之耳

真能自用其力而人無畏不能自抑故也抑其私欲惟義是從則必畏天命畏祖宗畏小民矣

文王卑服即康功田功

纂註 卑服猶禹所謂惡衣服也康功安民之功田功意於安養斯民也卑服蓋舉一端而言宮室飲食自奉之薄皆可類推

纂註 孔氏曰就田功以徽柔懿恭

懷保小民惠鮮鰥寡自朝至于日中具不遑暇食用

咸和萬民

微懿皆美也具日昃也柔謂之微則非柔儒之柔恭謂之懿則非足恭之恭文王有柔恭之德而極其微懿之盛和易近民於

小民則懷保之於鰥寡則惠鮮之惠鮮云者鰥寡之人垂首喪氣資予調給之使之有生意也自朝至于日之中自中至于日之昃一食之頃有不遑暇欲咸

和萬民使無一不得其所也文王心在乎民自不知其勤勞如此豈秦始皇衡

石程書隋文帝衛士傳餐代有司之任者之為哉立政言罔攸兼于庶言庶獄

庶慎則文王又若無所事事者不讀無逸則無以知文王之勤不讀

立政則無以知文王之逸合二書觀之則文王之所從事可知矣

受命惟中身厥享國五十年

遊田國有常制文王不敢盤遊無度上不監費故下無過取而能以

庶邦惟正之供於常貢正數之外無橫斂也言庶邦則民可知文王為西伯所

統庶邦皆有常供春秋貢於霸王者班班可見至唐猶有送使之制則諸侯之

供方伯舊矣受命言為諸侯也中身者漢孔氏曰文王九十七而終即位時年

四十七言中身舉全數也上文崇素儉恤孤獨勤政事戒遊佚皆文王無逸之

實故其享國

有歷年之永

纂註 呂氏曰凡有血氣患於上陵必學問以下之抑損祇畏以

自下則用力於無逸深矣力不分於奉已故功全歸於恤

民惠澤之使鮮鮮有生意盤遊田曰不敢翼翼之小心也此章言文王家法凡

無逸之條目如崇儉素重農畝恤窮困勤政事戒遊田損橫斂大略皆備其稱

文王之壽即前章之意以此為防後世猶為文

王憂勤損壽之說以啓人主之好逸如鄭玄者

周公曰嗚呼繼自今

嗣王則其無淫于觀于逸于遊于田以萬民惟正之

供

則法也其指文王而言淫過也言自今日以往嗣王其法文王無過于觀逸

遊田以萬民惟正賦之供上文言遊田而不言觀逸以大而包小也言庶邦

而不言萬民以

遠而見近也

無皇曰今日耽樂乃非民攸訓非天攸若

時人丕則有愆無若殷王受之迷亂酗于酒德哉

母通皇與遑通訓法若順則法也母自寬假曰今日始為是耽樂也一日耽樂

固若未害然下非民之所法上非天之所順時人大法其過逸之行猶商人化

受而崇飲之類故繼之曰母若商王受之迷亂酗于酒德哉

醜酒謂之德者德有凶有吉韓子所謂道與德為虛位是也

欲後嗣共守此訓故以繼自今嗣王言觀覽以舒其目安逸以休其身遊豫以

省風俗田獵以習武備人君不能無也不可過爾過則人欲肆而入於亂亡矣

故公使之無淫過于此必絕之使無則迫感拘制矣觀逸遊田橫斂之源四者

既省用有常經自應以萬民惟正之供始耽樂者母自恕曰今日耽樂爾是心

一流將一日二日浸浸終身不返矣苟不戒一日之耽樂必至為紂之徒無皇

曰今日耽樂蓋原淫樂之始使之深絕其微無若殷王受蓋要淫荒之終使知

必至此極始終備矣林氏曰隱公觀魚莊公觀社觀也唐敬宗日晏坐朝逸也周穆所至有車轍馬跡遊也太康敗洛表田也皆淫於此者真氏曰前舉三宗後舉文王俾王知所法又舉紂俾王知所戒紂之惡無不有酒其最也人無智愚皆知憂勤必享國逸欲必戕生惟沈湎于酒心志昏亂則雖死亡在前亦不知畏故欲無逸則不可酌酒酌酒則必不能無逸公所以專以此申戒也薛氏曰今日耽樂與詩所謂壹醉日富同義

我聞曰古之人猶胥訓告胥保惠胥教誨民無或胥

講張為幻胥相訓誠惠順講誑張誑也變名易實以眩觀者曰幻歎息言古之德業已盛其臣猶且相與誡告之相與保惠之相與教誨

之保惠者保養而將順之非特誡告而已也教誨則有規正成就之意又非特保惠而已也惟其若是以視聽思慮無所蔽塞好惡取予明而不悖故當時

之民無或敢 **纂註** 呂氏曰訓告教誨皆見於言語保惠則調護於日用功用誑誑為幻也相表裏也新安胡氏曰訓誨忠言也講張邪說也忠言交

進則邪 說莫行 此厥不聽人乃訓之乃變亂先王之正刑至于

小大民否則厥心違怨否則厥口詛祝 正刑正法也言成王於上文古人胥訓告

保惠教誨之事而不聽信則人乃法則之君臣上下師師非度必變亂先王之正法無小無大莫不盡取而紛更之蓋先王之法甚便於民甚不便於縱侈之君如省刑罰以重民命民之所便也而君之殘酷者則必變亂之如薄賦斂以厚民生民之所便也而君之貪侈者則必變亂之厥心違怨者怨之蓄于中也

厥口詛祝者怨之形於外也為人上而使民心口交怨其國 **纂註** 陳氏大猷曰承上章

無怨咸和之意遂及於違怨詛祝唐孔氏曰請神加殃謂之詛以言告神謂之祝真氏曰篇中有兩至于小大恐當作一義上言至于小大無時或怨下言至于小大民否則厥心

違怨蓋皆為民而言 **周公曰嗚呼自殷王中宗及高宗及祖**

甲及我周文王茲四人迪哲 迪蹈哲智也孟子以知而弗去為智之實迪云者所謂弗去是也人主知

小人之依而或忿戾之者是不能蹈其知者也惟中宗高宗祖甲文王允蹈其知故周公以迪哲稱之

厥或告之曰小人怨汝詈汝則皇自敬德厥愆曰朕之愆允若時不啻

不敢含怒 詈罵言也其或有告之曰小人怨汝詈汝則皇自敬德反諸其身不尤其人其所誣毀之愆安而受之曰是我之愆允若時

者誠實若是非止隱忍不敢藏怒也蓋三宗文王於小民之依心誠知之故不暇責小人之過言且因以察吾身之未至怨詈之語乃所樂聞是豈特止於隱

忍含怒不發而已哉 **纂註** 唐孔氏曰皇大大自敬德朱氏方大曰聞謗而自反以敬

含怒於心而已苟非發於中心之誠惟不敢含怒而止則是僅能怒人之言而未盡反己之功也陳氏大猷曰四君至明故能如此凡聞謗而責人皆不明

也 **此厥不聽人乃或講張為幻曰小人怨汝詈汝則**

信之則若時不永念厥辟不寬綽厥心亂罰無罪殺無辜怨有同是叢于厥身

綽大叢聚也言成王於上文三宗文王迪哲之事不肯聽信則小人乃或誑誕

變置虛實曰小民怨汝汝則聽信之則如是不能永念其為君之道不能寬大其心以誑誕無實之言羅織疑似亂罰無罪殺戮無辜天下之人受禍不同而於怨皆叢於人君之一身亦何便於此哉大抵無逸之書以知小人之依為一篇綱領而此章則申言既知小人之依則當蹈其知也三宗文王能蹈其知故其曾次寬平人之怨詈不足以芥蒂其心如天地之於萬物一於長育而已其悍疾憤戾天豈私怒于其間哉天地以萬物為心人君以萬民為心故君人者要當以民之怨詈為己責不當以民之怨詈為己怒以為己責則民安而君亦安以為己怒則民危而君亦危矣吁可不戒哉

纂註 林氏

曰以講張之說妄殺如幽厲之監謗秦立誹謗法之類。夏氏曰向之怨詈猶有限也至此普天同怨是怨叢於一身矣民氣如此欲享國長久得乎此意蓋在言外也。范氏曰明君惟聽正直故讒慝之言不入於耳暗君好聽讒佞故欺誑之言日至於前。人君當修德以弭怨不可以刑殺止怨以刑殺止怨怨之愈甚大吏所潰不可收拾矣。呂氏曰無逸始以逸豫為戒終則以棄忠言惑邪說壞法度治誹謗結之惟無逸然後能去是病而所以保無逸者亦不過戒是數者也。新安陳氏曰末章承上章以論處怨詈之道然召民和而使自無時或怨上也因怨言而自反次也以殺罰止怨而怨叢無次矣周公以怨詈等事寬廣君心而伸舒民氣其為邦本國脉計豈淺淺哉

周公曰嗚呼嗣王其監于茲

茲者指上文而

言也無逸一篇七章首皆先致其咨嗟詠歎之意然後及其所言之事至此章則於嗟歎之外更無他語惟以嗣王其監于茲結之所謂言有盡而意則無窮成王得無**笱**託愚謂此篇挈所其無逸以為之綱而分先知稼穡艱難與深警於此哉不知艱難以為之目此一書之大旨也商三君先知艱難者也後王生則逸不知艱難者也周三王先知艱難者也成嗣王之觀逸遊田懼其不知艱難也遠引古人恐不盡信故尤欲其師文王懲商紂以耳目所及者為言焉真萬世之龜鑑哉

君奭

召公告老而去周公留之史氏錄其告語為篇亦誥體也

有○案此篇之作史記謂召公疑周公當國踐祚唐孔氏謂召公以周公嘗攝王政今復在臣位葛氏謂召公未免常人之情以爵位先後介意故周公作是篇以諭之陋哉斯言要皆為序文所誤獨蘇氏謂召公之意欲周公告老而歸為近之然詳本篇首意迺召公自以盛滿難居欲避權位退老願邑周公反覆告諭以留之爾熟復而詳味之其義固可見也

輯錄

顯道問召公不悅之意先生

曰召公不悅只是小序恁地說裏面却無此意這只是召公要去後周公去留他說道朝廷不可無老臣又問先生曰此等語不可曉先生曰這箇只是大綱綽得箇意脉了便恁地說了不要逐箇字去討便無理會處這箇物事難理會義剛召公不悅這意思曉不得若論事了儘未在看來是見成王已臨政便也小定了許多事周公自可了得所以求去庚召公不悅蓋以為周公歸政之後不當復留而已

亦老而當去故周公言二人不可不留之意曰嗚呼君已曰時我我亦不敢寧于上帝命弗遠念天威越我民罔尤違又歷道古今聖賢倚賴老成以固其國家之事又曰予不惠若茲多誥予惟用閔于天越民只此便見周公之心每讀至此未嘗不喟然太息也試於此等處虛心求之如

筮案註 呂氏曰召公不疑周公前輩之悉矣以盛何答徐元聘

際排之使去者有之挽之使留者鮮矣大臣之秉心公則深恐無助私則惟恐不專也又曰成功不可居洛邑成而周公告歸召公亦同此心也已而成王留周公幡然改矣召公猶守欲退之心也周公遂力留之及其既喻非特暫留於一時終相成王且相康王身任託孤之責而不辭惟不苟於隨所以篤於信也○陳氏大猷曰或謂周公去朝廷居洛邑而召公獨執政柄所以亦有去志今以洛誥君陳諸書考之周公固居洛以化殷民以無逸蔡仲諸書考之則周公未嘗不在朝以輔成王意其往來鎬洛之間也方是時洛邑雖成而殷民尚未固周公所以諄諄於留召公歟

周公若曰君奭君者尊之稱奭召公名也弗弔天降喪于殷

殷既墜厥命我有周既受我不敢知曰厥基永孚于

休若天棐忱我亦不敢知曰其終出于不祥不祥者休之反也天既下

喪亡於殷殷既失天命我有周既受之矣我不敢知曰其基業長信於休美乎如天果輔我之誠耶我亦不敢知曰其終果出于不祥乎○案此篇周公留召公而作此其言天命吉凶雖曰我不敢知然其懇惻危懼之意天命吉凶之決實主於召公留不留如何也

筮案註 呂氏曰自後世禍周之福也述殷之喪亡亦曰弗弔聖賢公天下之心也人之於天或恃而不自修或懼而不自強謂永孚於休恃而不自修也意天必福已也謂終出不祥懼而不自強也意天必禍已也皆非也

嗚呼君已曰時我我亦不敢寧于上帝

命弗永遠念天威越我民罔尤違惟人在我後嗣子

孫大弗克恭上下遏佚前人光在家不知尤怨違背也周

已嘗曰是在我而已周公謂我亦不敢苟安天命而弗永遠念天之威於我民無尤怨背違之時也天命民心去就無常實惟在人而已今召公乃忘前日之言翻然求去使在我後嗣子孫大不能敬天敬民驕慢肆侈遏絕佚墜文武光顯可得謂在家而不知乎

輯錄 諸誥多是長句如威越我民罔尤違只是一句越只是及罔尤違是總說上天與民之意漢藝文志註謂誥是曉諭民若不速曉則約束不行便是誥辭如此只是欲民易曉

天命不易天難諶乃其墜命弗克經歷嗣前人恭明德天命不易猶詩曰命不易哉命不易保天難諶信乃其墜失天命者以不能經歷繼嗣前人之恭明德也吳氏曰弗克恭故不能嗣前人之恭德遏佚前

人光故不能嗣前人之明德

在今予小子且非克有正迪惟前人光施

于我冲子

吳氏曰小子自謙之辭也非克有正亦自謙之辭也言在今我小子且非能有所正也凡所開導惟以前人光大之德使益焜

耀而付於冲子而已以前言後嗣子孫過佚前人光而言也

又曰天不可信我道惟寧王德

延天不庸釋于文王受命

又曰者以上文言天命不易天難諶此又申言天不可信故曰又曰天固不可

信然在我之道惟以延長武王之德使天不容捨文王所受之命也

纂註新安胡氏曰此章大意謂今日天命人心未為固成王之經歷未為深吾

等當留而公曰君奭我聞在昔成湯既受命時則有若伊尹格于皇天在太甲時則有若保衡在太戊時則有

若伊陟臣扈格于上帝巫咸又王家在祖乙時則有

若巫賢在武丁時則有若甘盤

時則有若者言當其時有如此人也保衡即伊尹也見說命太

戊太甲之孫伊陟伊尹之子臣扈與湯時臣扈二人而同名者也巫氏咸名祖乙太戊之孫巫賢巫咸之子也武丁高宗也甘盤見說命呂氏曰此章序商六臣之烈蓋勉召公休休於前人也伊尹佐湯以聖輔聖其治化與天無間伊陟臣扈之佐太戊以賢輔賢其治化克厭天心自其徧覆言之謂之天自其主宰

言之謂之帝書或稱天或稱帝各隨所指非有重輕至此章對言之則聖賢之分而深淺見矣巫咸止言其又王家者咸之為治功在王室精微之蘊猶有愧於二臣也亡書有咸又四篇其又王家之實歟巫賢甘盤而無指言者意必又次於巫咸也○蘇氏曰殷有聖賢之君七此獨言五下文云殷禮陟配天豈配祀於天者止此五王而其臣偕配食於廟乎在武丁時不陳氏曰湯初言傳說豈傳說不配食於配天之王乎其詳不得而聞矣復齋董氏曰言甘盤者高宗舊學之臣○呂氏曰捨傳說言甘盤盤源也說委也○息齋余氏曰不言說勝夏已有臣即下文不言尚父之意率惟茲有陳保又有殷故殷禮陟配

天多歷年所

陟升遐也言六臣循推此道有陳列之功以保其祭上陟而配天猶言郊祀后稷以配天宗祀文王於明堂以配上帝○唐孔氏曰多歷年之次所**纂註**葉氏曰以

實百姓王人罔不秉德明恤小臣屏侯甸矧咸奔走

惟茲惟德稱用又厥辟故一人有事于四方若卜筮

罔不是孚

佑助也實虛實之實國有人則實孟子言不信仁賢則國空虛是也稱舉也亦秉持之義事征伐會同之類承上章六臣輔君

格天致治遂言天佑命有商純一而不雜故商國有人而實內之百官著姓與夫王臣之微者無不秉持其德明致其憂外之小臣與夫藩屏侯甸矧皆奔走

服役惟此之故惟德是舉用又其君故君有事於四方如龜之卜如著之筮天下無不敬信之也

纂註 孔氏曰天大佑助其實自湯至武丁其王人無不持德○呂氏曰明恤猶易之顯此顯然以至公撫恤天下在內則逮於卑賤之小臣在外則均藩屏之侯甸恩浹內外公平周溥斯乃所秉之君德也後之君嬖昵左右如幽王之私趣馬偏愛一國如平王之貳於虢非不恤之可謂之明恤乎用又者規諫箴誨以治之也新安胡氏曰百姓句王人謂王者明恤屬下句從孔呂為優王氏炎曰商大臣事業至於有為而罔不孚今四國多方諄諄告命猶懼不信召公豈可求去

公曰君奭天壽平格保乂有殷有殷嗣天滅威今汝永念則有固命厥亂明我新造邦

纂註 呂氏曰坦然無私之謂平格者通徹三極而無間者也天無私壽惟至平通格於天者則壽之伊尹而下六臣能盡平格之實故能保乂有殷多歷年所至于殷紂亦嗣天位乃驟罹滅亡之威天曾不私壽之也固命者不墜之天命也今召公勉為周家久永之念則有天之固命其

纂註 孔氏曰言天壽治效亦赫然明著於我新造之邦而身與國俱顯矣

安治有殷殷嗣子紂不能平至天滅亡加之有威今汝長念平至者安治反是者滅亡以為法戒則有堅固王命其治理足以明我新成國矣新安陳氏曰有殷嗣天滅威等語聲牙艱澁本不可解不如闕之

蔡傳亦未為的保人有殷強拈六臣經有是意乎

公曰君奭在昔上帝割申勸寧王之德其集大命于厥躬

纂註 申重勸勉也在昔上帝降割於殷申勸武王之

德而集大命於其身使有天下也

纂註 夏氏曰天初勸文王又勸武王故曰申勸如詩序言割其降割也乃所以申勸文王之德也文王生知者本不待勸而天乃降割以勉之故曰申勸新安陳氏曰割申勸寧王之德禮記緇衣作周田觀文王之德記固訛矣書果是乎寧王孔註以為文王蔡傳以為武王

果武王也則下接惟文王尚克修和我有夏必有闕文矣

惟文王尚克修和我有夏亦惟有若號叔有若閔天有若散耳生有若泰顛有若南宮括

纂註 號叔文王弟閔散泰南宮皆氏天宜生顛括皆名言文王庶幾能修治變和我所有諸夏者亦惟有號叔等五臣為之輔也康誥言一二邦以修無逸言用咸和萬民即文王修和之實也

又曰無能往來茲迪彝教文王蔑德降于國人

纂註 蔑無也夏氏曰周公前既言文王之興臣者不能為文王往來奔走於此道迪其常教則文王亦無德降及於國人矣周公反覆以明其意故以又曰更端發之

亦惟純佑秉德迪知天威乃惟時昭文王迪見冒聞于上帝惟時受有殷命哉

纂註 言文王有此五臣者故亦如殷為天純佑命百姓王人罔不秉德也上既反言文王若無此五臣為迪彝教則亦無德下及國人故此又正言亦惟天乃純佑文王蓋以如是秉德之臣蹈履至到實知天威以是昭明文王啓迪其德使著見於上覆冒於下而升聞於上帝惟是之

故遂能受有

纂註

息齋余氏曰孔云文王秉德蓋天佑秉德之君也

武王惟茲四人尚迪

有祿後暨武王誕將天威咸劉厥敵惟茲四人昭武

王惟冒丕單稱德

號叔先死故曰四人劉殺也單盡也武王惟此四人庶幾迪有天祿其後暨武王盡殺其敵惟此四人能

昭武王遂覆冒天下天下大盡稱武王之德謂其達聲教於四海也文王冒西土而已丕單稱德惟武王為然於文王言命於武王言祿者文王但受天命至武王方富有天下也呂氏曰師尚父之事文武烈莫盛焉不與五臣之列蓋一時議論或詳或略隨意而言主於留召公而非欲為人物評也

呂氏曰此四人尚蹈有祿位言故老猶存也林氏曰死者稱不祿四人猶及武王之世故曰尚迪有祿

今在予小子旦若

游大川予往暨汝奭其濟小子同未在位誕無我責

收罔勗不及者造德不降我則鳴鳥不聞矧曰其有

能格

小子旦自謙之稱也浮水曰游周公言承文武之業懼不克濟若浮大川罔知津涯豈能獨濟哉予往與汝召公其共濟可也小子成王也成

王幼冲雖已即位與未即位同誕大也大無我責上疑有關文收罔勗不及未詳者造德不降言召公去則者老成人之德不下於民在郊之鳥將不復得聞其鳴矣況敢言進此而有感格乎是時周方隆盛鳴鳳在郊卷阿鳴於高岡者乃詠其實故周公云爾也

纂註

夏氏曰大無盡責於我一人息齋余

氏曰古註其濟小子句通收罔勗不及呂云召公若收斂退藏罔勗勉成王之
所不逮亦通張子曰苟造德降則民誠和而鳳可致故鳴鳥聞所以為和氣之
應也王氏炎曰文王之興鳳鳴岐山為周受命之符召公苟去固不
能如五臣輔文王以聞鳴鳳之祥况能如伊陟臣扈之格天格帝乎

公曰嗚呼君肆其監于茲我受命無疆惟休亦大惟艱告君

乃猷裕我不以後人迷

肆大猷謀也茲指上文所言周公歎息欲召公大監視上文所陳也我文武受命固有無

疆之美矣然迹其積累締造蓋亦艱難之大者不可不相與竭力保守之也告君謀所以寬裕之道勿狹隘欲去我不欲後人迷惑而失道也呂氏曰大臣之位百責所萃震撼擊撞欲其鎮定平甘燥濕欲其調齊繫錯結欲其解紆黷闇汚濁欲其茹納自非曠度洪量與夫患失乾沒者未嘗無翻然捨去之意況召公親遭大變破斧缺斨之時屈折調護心勞力瘁又非平時大臣之比顧以成王未親政不敢乞身爾一旦政柄有歸浩然去志固人情之所必至然思文武王業之艱難念成王守成之無助則召公義未可去也今乃汲汲然求去之不暇其迫切已甚矣盍謀所以寬裕之道圖功收終展布四體為久大規模使君德開明未可捨去
纂註 鄭氏曰召公不悅似隘急故令謀於寬裕○呂氏而聽後人之迷惑也
纂註 曰周公自言我終不獨善而使後人迷惑自言所以不去者以勉召公也○陳氏曰不以後人迷謂欲使後人嗣前人恭明德不至於過佚前人光也○新安陳氏曰不以後人迷如其君霸以其君顯之以留而明保啓迪成王是不以後人迷
公曰前人數乃心乃悉命汝也去而聽其迷惑是以後人迷也

作汝民極曰汝明勗偶王在亶乘茲大命惟文王德

丕承無疆之恤偶配也蘇氏曰周公與召公同受武王顧命輔成王故

且曰汝當明勉輔孺子如耕之有偶也在於相信如車之有馭也并力

孔氏曰文武布其乃心乃悉以命汝矣為汝民立中正矣汝明勉配王在於誠

信行此大命而已惟文王聖德為之子孫無忝厥祖大承無疆之憂○張氏曰

臣者君之偶如婦者夫之偶○陳氏曰乘載也猶負荷也○呂氏曰命作民極

置之具瞻以為民極也其命之辭則曰汝明明勉勵以偶配輔佐後王命之大

如此在今當亶誠以乘載此大命不可失墜今而遽去是墜此命非乘此命矣

又欲其追念文王眷遇之德為我周大受無窮之憂責洛誥周公之復留實以

文武之故今召公欲去周公復舉文武以感動之○新安陳氏曰以命汝為武

王顧命則茲大命竟指為武王之命為安然蘇以汝明至之恤純為武王之言

故以大命為天命也不若呂只以汝明勗偶王一句為武王之

言為優然此等偶王亶乘語實艱澁不可解略認大意可也

公曰君告

汝朕允保奭其汝克敬以予監于殷喪大否肆念我

天威大否大亂也告汝以我之誠呼其官而名之言汝能敬以

我所言監視殷之喪亡大亂可不念我天威之可畏乎

予不允惟

若茲誥予惟曰襄我二人汝有合哉言曰在時二人

天休滋至惟時二人弗戡其汝克敬德明我俊民在

讓後人于丕時戡勝也戡堪古通用周公言我不信於人而若此告語

乎予惟曰王業之成在我與汝而已汝聞我言而有合

哉亦曰在是二人但天休滋至惟是我二人將不堪勝汝若以盈滿為懼則當

能自敬德益加寅畏明揚俊民布列庶位以盡大臣之職業以答滋至之天休

母徒惴惴而欲去為也他日在汝推遜後人於大

盛之時超然肥遯誰復汝禁今豈汝辭位之時乎

輯錄 襄我二人周公自

註 王氏曰大臣之善在乎能讓讓則推賢揚善而無妨功害能此所以能明俊

民○陳氏經曰今時未至盛大未有賢俊可讓召公未可去也大臣進退常

以得人為慮有賢者可以讓則身可以退蕭何且死必引曹參管仲不能薦

賢所以不免於讓也○新安陳氏曰讓字貫俊民字謂明俊民而讓之較優

嗚

呼篤棐時二人我式克至于今日休我咸成文王功

于不怠丕冒海隅出日罔不率俾周公復歎息言篤於輔君者

是我二人我用能至於今日

休盛然我欲與召公共成文王功業於不怠大覆冒斯民使海隅日出之地無

不臣服然後可也周都西土去東為遠故以日出言吳氏曰周公未嘗有其功

以其留召公故言之蓋叙其所已然

而勉其所未至亦人所說而從者也

纂註 陳氏大猷曰伐淮夷踐奄在此書

二章以文武

公曰君子不惠若茲多誥予惟用閔于天越

留召公也

民周公言我不順於理而若茲諄復之多誥邪予惟用憂天命之不終及斯民之無賴也韓子言畏天命而悲人窮亦此意前言若茲誥故此言若茲多誥
周公之告召公其言
纂註夏氏曰天命難諶民心難保大臣去留繫天命之從違民心之向背今召公欲去實周公之憂也○陳氏
大猷曰召公去則天命將替
公曰嗚呼君惟乃知民德亦罔不

能厥初惟其終祗若茲往敬用治上章言天命民心而民心又天命之本也故卒章專言民

德以終之周公歎息謂召公踐歷諳練之久惟汝知民之德民德謂民心之嚮順亦罔不能其初今日固罔尤違矣當思其終則民之難保者尤可畏也其祗順此誥往敬用治不可忽也此召公已留周公飭遣就職之辭厥後
纂註陳氏
召公既相成王又相康王再世猶未釋其政有味於周公之言也夫
經曰借民情以為喻也民情每動始怠終此乃召公所熟知安可以此自處當惟其終可也語曰行百里者半九十言晚節末路之難也○張氏曰召公初輔成王有始矣而求去不能終也○愚謂一書之中首言憂國之心非人所知次言天民可畏惟人是賴又次言殷先王與我文武得人之助然文王時五人至武王時四人今又惟我二人而已君若求去豈我一人所能哉憂之深是以留之切留之切是以言之詳召公同功一體之人均有忠君愛國之心者安得不油然而感愴然而留哉

蔡仲之命

蔡國名仲字蔡叔之子也叔沒周公以仲賢命諸成王復封之蔡此其誥命之辭也今文無古文有○案

此篇次序當在洛誥之前

惟周公位冢宰正百工羣叔流言乃致辟管叔于商
囚蔡叔于郭鄰以車七乘降霍叔于庶人三年不齒
蔡仲克庸祗德周公以為卿士叔卒乃命諸王邦之

蔡周公位冢宰正百工武王崩時也郭鄰孔氏曰中國之外地名蘇氏曰郭虢也周禮六遂五家為鄰管霍國名武王崩成王幼周公居冢宰百官總已聽者古今之通道也當是時三叔以主少國疑乘商人之不靖謂可惑以非義遂相與流言倡亂以搖之是豈周公一身之利害乃欲傾覆社稷塗炭生靈天討所加非周公所得已也故致辟管叔于商致辟云者誅戮之也囚蔡叔于郭鄰以車七乘囚云者制其出入而猶從以七乘之車也降霍叔于庶人三年不齒三年之後方齒錄以復其國也三叔刑罰之輕重因其罪之大小而已仲叔之子克常敬德周公以為卿士叔卒乃命之成王而封之蔡也周公留佐成王食邑於圻內圻內諸侯孟仲二卿故周公用仲為卿非魯之卿也蔡左傳在淮汝之間仲不別封而命邦之蔡者所以不絕叔於蔡也封仲以他國則絕叔於蔡矣呂氏曰象欲殺舜舜在側微其害止於一身故舜得遂其友愛之心周公之位則繫於天下國家雖欲逐友愛於三叔不可得也舜與周公易地皆然史臣先書惟周公位冢宰正百工而繼以羣叔流言所以結正三叔之罪也後言蔡仲克庸祗德周公以為卿士叔卒即命之王以為諸侯以見周公感然於三

叔之刑幸仲克庸祗德則亟擢用分封之也吳氏曰此所謂冢宰正百工與詩所謂攝政皆在成王諒闇之時非以幼冲而攝而其攝也不過位冢宰之位而已亦非如荀卿所謂攝天子位之事也三年之喪二十五月而畢方其畢時周公固未嘗攝亦非有七年而後還政之事也百官總已以聽冢宰未知其所從始如殷之高宗已然不惟周公行之此皆論周公者所當先知也

輯錄 安卿問周公誅管蔡自公義言之其情終有不自滿處所以孟子謂周公之過不亦宜乎先生曰是但他豈得已哉莫到恁地較好看周公當初做這一事也大段踈脫他也看那兄弟不過本是怕武庚叛故遣管蔡霍叔去監他為其至親可恃不知他反去與武庚同作一黨不知如何紂出得箇兒子也恁地狡猾想見他當時日夜去炒郵管叔說道周公是你弟今却欲篡為天子汝是兄今却只恁地管叔被他炒得心熱他性又急所以便發出這件事來李堯卿問是時可調護莫殺否曰他已叛只得殺如何調護得蔡叔霍叔性較慢罪較輕所以只囚于郭鄰降于庶人想見當時被管叔做出這事來騷動許多百姓想見也怕人鴟鴞鴟鴞既取我子無毀我室當時也是被他害得猛如常棣一詩却是後來制禮作樂時作這是先被他害所知管叔狡猾但當時於義不得不封他曰看來不是狡猾只是猷子書說周公使三叔監殷他却與武庚叛此是一段大踈脫事若當時不便平息得模樣做出西晉初年時事想見武庚日夜去說誘三叔以為周公弟也

纂註 史記同母兄弟十人長伯邑考次武王次管叔鮮次周公次蔡叔度次霍叔處孔氏曰蔡仲能用敬德稱其賢也明王之法誅父用子言至公也叔之所封圻內之

蔡仲之所封淮汝之間圻內之蔡名已滅故取其名以名新國欲其戒之唐孔氏曰管在滎陽京縣東北不立管叔之後者罪重或無子或有而不賢也杜預曰武王封叔度於汝南上蔡胡徙新蔡昭侯徙九江下蔡圻內蔡地不知所在不齒不得與兄弟年齒相次閱元年晉滅霍故知復其舊封夏氏曰古一里之地出車一乘謂以出車七乘地所出之賦以奉之蓋既囚之又不可無以養之張氏震曰象得罪於舜安得不貸之以恩管叔得罪於周安得不斷之以義霍叔不絕其身蔡叔不絕其子而管叔獨不免誅絕恩與義並行而不悖也林氏曰蔡叔有罪則囚之不以弟而私蔡仲賢而封之不以父而棄葉氏曰舜誅鯀而興禹周公囚蔡叔而命仲一也魏氏曰左傳定公四年云蔡仲改行帥德周公舉之以為己卿士已字極好玩味可見周公大聖人蔡叔有罪而囚之有子仲祗德則以為己卿士真與天地同其大也自東萊發此義蘇氏曰蔡叔未卒仲無君國之理崩殯在而輒立衛所以亂所以封仲必在叔卒之後息齋余氏曰案召誥傳中謂洛邑告成成王始政故召公以自服土中為言多方內稱王臣我監五祀曰成周既成而成王即政云與此所引吳氏之說皆所不合

王

若曰小子胡惟爾率德改行克慎厥猷肆予命爾侯

于東土往即乃封敬哉 胡仲名言仲循祖文王之德改父蔡叔之行能謹其道故我命汝為侯於東土往就

汝所封之國其敬之哉呂氏曰敬哉者欲其無失此心也命書之辭雖稱成王實周公之意

爾尚蓋前人之愆惟忠惟孝爾乃邁迹自身克勤無怠以垂憲乃後率乃

祖文王之彝訓無若爾考之違王命

蔡叔之罪在於不忠不孝故仲能掩前人之愆

者惟在於忠孝而已叔違王命仲無所因故曰邁迹自身克勤無怠所謂自身也垂憲乃後所謂邁迹也率乃祖文王之彝訓無若爾考之違王命上文所謂率德改

纂註

呂氏曰子之新善著則父之舊愆庶乎可掩蔡叔之惡既無以行也

自我作古克勤無怠以垂法於後斯須之急則流弊或至於數百年後不可不謹其源也張氏曰邁迹自身謂生於羣叔之間而能脫身自立為善○陳氏傳良曰舜命禹未嘗戒以鯀周公命微子未嘗及武庚今命仲而尤其父者於越人疏之於其兄戚之也父子兄弟之間猶有諱而不敢盡言是愈疎矣成王於仲親親之道也有禹則鯀得以郊張湯杜周烈矣以其有後得不列於酷吏蔡仲在人其謂叔曰幸哉有子如此歎故曰蓋前人之愆○新安陳氏曰子能改父之惡而為善則孝矣為子而孝斯為臣而忠古人云求忠臣於孝子之門是惟忠本於惟孝也克勤無怠以垂憲乃後即所謂邁迹自身此一語不必分也

皇天無親惟德是輔民心無常惟惠之懷為善不同

同歸于治為惡不同同歸于亂爾其戒哉

此章與伊尹甲誥太甲之言相

類而有深淺不同者太甲蔡仲之有間也善固不一端而無不可行之善惡亦不一端而無可為之惡爾其可不戒之哉
纂註
新安陳氏曰此與伊尹告太甲之言語意正同蔡氏謂有深淺不同以太甲蔡仲之有間不曉所謂

不惟厥終終以困窮

惟思也窮困之極也思其終者所以謹其初也

纂註

呂氏曰建國之始必審其始而

思其終終始具舉然後可久可大而不至於困徒謹初而不思其終則終必困窮雖憊然憂懼無益也語以謹始而即援以慮終竭兩端之教也○陳氏大猷曰仲率德改行能謹初矣尤當克勤無怠是在於惟厥終也○張氏曰感激者多銳於初而怠於終

鄰以蕃王室以和兄弟康濟小民

勉汝所立之功親汝四鄰之國蕃屏王家和協同姓

康濟小民五者諸侯職之所當盡也

率自中無作聰明亂舊章詳乃視聽罔

率循也毋無同詳審也中者心之理而無過不及之差者也舊

以側言改厥度則予一人汝嘉

率循也毋無同詳審也中者心之理而無過不及之差者也舊

章者先王之成法厥度者吾身之法度皆中之所出者作聰明則喜怒好惡皆出於私而非中矣其能不亂先王之舊章乎戒其本於己者然也側言一偏之言也視聽不審惑於一偏之說則非中矣其能不改吾身之法度乎戒其徇於人者然也仲能戒是則我一人汝嘉矣呂氏曰作聰明者非天之聰明特沾沾小智耳作與不纂註陳氏經曰舊章法度皆中之所寓度即舊章也舊章則作而天人判焉纂註已然之法度則當然之制無非中也周公慮仲懲創乃父之愆用意過當反以生事為奇故有此戒○夏氏曰率皆也自從也謂凡事皆從中道也○呂氏曰舊章往往不與新進喜事者合故作聰明者尤欲亂之聽覽不貴於速而貴於詳迎刃立決見事風生宜若可喜然忽略疎使動皆愆尤讒說姦言每乘其忽遽而入之惟詳其視聽安徐審訂表裏畢陳側媚之言

將不得售故詳者乃聽覽之大法也規矩準度未至於樂循理者則常若為其
繫維側言乃解其繫維而縱之放逸之場者故從之也輕仲以英妙之年任國
事周公老成深慮故戒之如此○陳氏大猷曰內不變於
己之私智外不變於人之私言則中道合而侯職盡矣

胡汝往哉無荒棄朕命

飭往就國戒其母廢棄我命汝所言也

纂註

愚謂此篇大體與微子之

命相似而微子之辭温厚蔡仲之辭嚴厲蓋微子先代之後周賔而不臣又本
賢人也蔡仲父為不道忠孝兩虧已無足法所望仲能率祖德改父行邁迹自
身以垂憲乃後耳蓋以拳拳圖終之說且戒之
以無亂舊章無改法度無同歸於亂嗚呼仁哉

多方

成王即政奄與淮夷又叛成王滅奄歸作此篇案費誓言徂淮夷四方容或有之故及多方亦誥體也今古文皆有○蘇氏曰

淮夷四方容或有之故及多方亦誥體也今古文皆有○蘇氏曰
大誥康誥酒誥梓材召誥洛誥多方八篇雖所誥不一然大略
以殷人心不服周而作也予讀泰誓武成常怪周取殷之易及讀此
八篇又怪周安殷之難也多方所告不止殷人乃及四方之士是紛
紛焉不心服者非獨殷人也予乃今知湯已下七王之德深矣方殷
之虐人如在膏火中歸周如流不暇念先王之德及天下粗定人自
膏火中出即念殷先七王如父母雖以武王周公之聖相繼撫之而
莫能禦也夫以西漢道德比之殷猶砥礪之與美玉然王莽公孫述
隗瑯之流終不能使人忘漢光武成功若建瓴然使
周無周公則亦殆矣此周公之所以畏而不敢去也

纂註

林氏曰奄即淮

惟五月丁亥王來自奄至于宗周

成王即政之明年商奄又叛成王征滅之杜預云奄不知

所在宗周鎬京也呂氏曰王者定都天下之所宗也東遷之後定都於洛則洛
亦謂之宗周衛孔悝之鼎銘曰隨難于漢陽即宮于宗周是時鎬已封秦宗周
蓋指洛也然則宗周初無**纂註**孔氏曰周公歸政之明年淮夷奄又叛魯征
定名隨王者所都而名耳淮夷作費誓王征奄滅之五月還鎬京○新
安陳氏曰洛誥戊辰王在新邑孔註十二月戊辰晦此七年之十二月即成王
即政之年也多士作於是年三月曰昔朕來自奄是述東征時事乃自武王誅
紂伐奄後第二番叛也多士作於即政之明年五月成王政序曰成王遂踐奄
多方序曰王歸自奄書曰王來自奄乃奄之第三番叛王墮其地遷其君又囚
以告多方也以去年十二月戊辰晦算之則次年正月朔已巳五月朔非丁卯
則戊辰丁亥非二十日即二十一日也多士與多方之作先後蓋一年有三月云

夷之一種總言則謂之淮夷如春秋赤狄之有潞氏甲氏也周公攝
政時奄嘗與三監同叛多士曰昔朕來自奄已嘗征之今成王即政
奄又叛成王滅之而歸鎬京諸侯來朝周公又稱王命以告之故作
此篇○唐孔氏曰雖昔告多方意在殷之舊國○呂氏曰自大誥至
多方所以處殷民者何其勞也武王崩以喜亂之徒因思舊之情乘
內難之隙三者參合其禍至此是固周之不造實則天之大扶持保
祐有周者也人之稚齒百疾先見則必過加調護凡伐性傷生者一
切不敢萌所以培固真源克登上壽者少年多疾之力也成周八百
年之基業可於此占之多士多方辭旨相出入多士既遷殷民而獨
告新民也故視多方為略多方既踐奄而徧告庶邦也故視多士為詳

周公曰王若曰猷告爾四國多方惟爾殷侯尹民我惟大降爾命爾罔不知

呂氏曰先曰周公曰而復曰王若曰何也明周公傳王命而非周公之命也周公之命誥終於此篇故發例於此以見大誥諸篇凡稱王曰者無非周公傳成王之命也成王滅奄之後告諭四國殷民而因以曉天下也所主殷民故又專提殷侯之

正民者告之言殷民罪應誅戮我大降爾命爾宜無不知也洪惟圖天之命弗永寅念于祀

圖謀也言商奄大惟私意圖謀天命自底滅亡不深長敬念以保其祭祀呂氏曰天命可受而不可圖圖則人謀之私而非天命之公矣此蓋深示以天命不可妄干乃多方一篇之綱領也下文引纂註

夏商所以失天命受天命者以明示之

呂氏曰徧告四方者何也殷奄屢叛驅弱而廣今雖平殄譬餘邪遺疾猶或在肺腑間恐或有時而發也故渙發大號歷叙天命之公前代之事征誅安集之本未俾四方咸與聞之大破羣疑深絕亂根蓋本於是兵寢刑措者四十餘年其惟帝降格于夏有夏誕厥逸不肯感言于

民乃大淫昏不克終日勸于帝之迪乃爾攸聞

言帝降災異以遣告桀桀不知戒懼乃大肆逸豫憂民之言尚不肯出諸口况望其有憂民之實乎勸勉也迪啓迪也視聽動息日用之間洋洋乎皆上帝所以啓迪開導斯人者桀乃大肆淫昏終日之間不能少勉於是天理或幾乎息矣况望有惠迪而不違乎此乃爾之所聞欲其因桀而知紂也厥逸與多士引逸不同者猶亂

乃大降罰崇亂有夏因甲于內亂不克靈承于旅罔丕惟進之恭洪舒于民亦惟有夏之民叨憤日欽劓

割夏邑

此章文多未詳麗猶日月麗乎天之麗謂民之所依以生者也依於土依於衣食之類甲始也言桀矯誣上天圖度帝命不能開民衣食之原於民依恃以生者一皆抑塞遏絕之猶乃大降威虐於民以增亂其國其所因則始於內饑盡其心敗其家不能善承其眾不能大進於恭而大寬裕其民亦惟夏邑之民貪叨憤者則日纂註

孔氏曰麗音樂施也蘇氏曰麗著也真民欽崇而專用之以戕害於其國也之居王政之本民不土著雖堯舜不能使之不亂桀不開衣食之源以定民居也○葉氏曰麗附於罪法也古者治獄以附罪為麗故秋官稱各麗其法以議獄訟開明也不克開於民之附法者而大降之罰○新安陳氏曰開於民之麗其說不一葉氏較優既與乃大降罰相入又與下文慎厥麗乃勸厥民刑用勸皆相應○呂氏曰原其所因天惟時求民主乃大降顯休命于

成湯刑殄有夏

言天惟是為民主耳桀既不能為民主天乃大降顯休命於成湯使為民主而伐夏殄滅之也○呂氏曰

纂註

王氏曰惟帝降格於夏與惟帝降

格嚮於時夏同意○息齋余氏曰

格也如此則不必言有關文矣

厥圖帝之命不克開于民之麗

乃大降罰崇亂有夏因甲于內亂不克靈承于旅罔

丕惟進之恭洪舒于民亦惟有夏之民叨憤日欽劓

割夏邑

成湯刑殄有夏

天惟時求民主乃大降顯休命于

曰求曰降豈真有求之降之者哉天下無統渙散漫流勢不得不歸其所聚而湯之一德乃所謂顯休命之實一眾離而聚之者也民不得不聚於湯湯不得

民不克永于多享惟夏之恭多士大不克明保享于民乃胥惟虐于民至于百為大不克開

以爾多方賢者不克永於多享以至於亡也言桀於義民不能用其所敬之多士率皆不義之民上文所謂切憤日欽者同惡相濟大不能明保享于民乃相與播虐于民民無所措其手足凡百所為無一能達上文所謂不克開于民之麗者政暴民窮所以速其亡也此雖指桀多士爾殷侯尹民嘗逮事紂者寧不惕然內

纂註

葉氏曰天佑之則曰純佑命不界之則曰不界純○林氏曰此

天之所予非人力所能移而之所以為子奪者以其德與不德耳爾多方當知天命不可有他志也○孔氏曰桀之所謂恭人眾士言亂主所任任同已者○林氏曰保享于民安民而以之享國長久也○呂氏曰義民知義之民也桀之時三宅無義民義民在下雖多何補以爾多方之義民不能永受眾多之服享如負米而飢載泉而渴蓋哀之也百為大不克開欲耕乃惟成湯克以害其耕欲實害其賈四向皆窮無一能達民窮如此也

爾多方簡代夏作民主

簡擇也民擇湯而歸之

纂註

葉氏曰簡如簡慎厥

麗乃勸厥民刑用勸

湯深謹其所依以勸勉其民故民皆儀刑而用勸勉也人君之於天下仁而已矣仁者君之所

依也君仁則莫不仁矣

以至于帝乙罔不明德慎罰亦克用勸

之謹罰則民畏服之自成湯至于帝乙雖歷世不同而皆知其德謹其罰故亦能用以勸勉其民也明德謹罰所以謹厥麗也明德仁之本也謹罰仁之政也

要囚殄戮多罪亦克用勸開釋無辜亦克用勸

德明之而已罰

有辟焉有宥焉故再言辟而當罪亦能用以勸勉宥而赦過亦能用以勸勉言辟與宥皆足以使人勉於善也

纂註

呂氏曰赦而民

民亦勸則有默行於刑赦之間者矣每語結之以勸者天下非可驅以智力束以法制惟動化其民使常有欣欣不自己之意乃維持長久之道也○陳氏經曰商家法在明德慎罰明德化民用德其本心慎罰不濫及民用刑不得已也本原既正則或刑或宥皆足以勸民於善刑一也先王用之而使民勸後世用之而為民毒何也先王之刑皆仁之寓後世之刑不仁之具也夫子未嘗不鈞弋也而仁見於不網不射宿之際文王非不蒐田也而仁見於一發不再舉之時也

今至于爾辟弗克以爾多方享天之命

纂註

陳氏曰多方一也湯以之而

命在所以如何耳。王氏曰：此言殷之興甚詳，言其亡甚略。蓋對殷遺民不忍痛言其失也。嗚呼！王若曰：誥告爾

多方，非天庸釋有夏，非天庸釋有殷。先言嗚呼而後言王若，曰者唐孔氏曰：周公先

自歎息而後稱王命以誥之也。庸用也。有心之謂釋去之也。上文言夏殷之亡，因言非天有心於去夏亦非天有心於去殷，下文遂言乃惟桀紂自取亡滅也。

○呂氏曰：周公先自歎息而始宣布成王之誥，告以見周公未嘗稱王也。又此篇之始，周公曰：王若曰。復語相承，書無此體也。至於章先嗚呼而後王若曰，書亦無此體也。周公居聖人之變，史官豫憂來世傳，襲誤蓋有竊之為口實者。故於周公誥命終篇發新例二著，周公實未嘗稱王，所以別嫌明微而謹萬

世之防也。夏氏曰：誥告以乃惟爾辟，以爾多方，大淫圖天之

命，胥有辭。紂以多方之富，大肆淫泆，圖度天命，瑣屑有辭，與多士言桀大

有闕。孔氏曰：惡事盡有辭說，布在天下。○呂氏曰：惡之播於人口者，謂

之辭惡之未熟大者，傳道瑣屑者未盡舉至惡已熟瑣屑之惡極

一有辭。乃惟有夏圖厥政，不集于享天降時喪，有邦間

之。集萃也。享，享之。享，樂圖其政，不集于享而集于亡。故天降是喪，亂而俾有殷代之夏之亡，非自取乎。

有邦，乃惟爾商後王逸厥逸，圖厥政不蠲，烝天惟降時

喪。蠲，潔烝進也。紂以逸居逸淫，酒無度，故其為政不蠲，潔而穢惡不烝進而怠

惰天以是降喪亡於殷。殷之亡，非自取乎。此上三節皆應上文非天庸釋之

語。陳氏曰：上逸過逸也。下逸安逸也。謂過逸其安逸，猶言安其危。○林

氏曰：其不蠲，潔日進。○張氏曰：烝，升也。猶言穢德升聞。惟聖罔念作狂，惟狂克念作聖，天

惟五年須臾之暇，之子孫誕作民主，罔可念聽。聖而罔念，則為

狂矣。愚而能念，則為聖矣。紂雖昏愚，亦有可改過遷善之理。故天又未忍遽絕

之猶五年之久，須待暇寬於紂，覲其克念大為民主而紂無可念可聽者五年

必有指實而言。孔氏牽合歲月者，非是。或曰：狂而克念，果可為聖乎。曰：聖固未

易為也。狂而克念，則作聖之功，知所向方大甲其庶幾矣。聖而罔念，果至於狂

乎。曰：聖固無所謂罔念也。禹戒舜曰：無若丹朱，傲惟慢遊，是好一念之差

雖未至於狂，而在是矣。此人心惟危，聖人拳拳告戒，豈無意哉。輯錄

艾軒云：文字只看易曉處，如尚書惟聖罔念作狂，惟狂克念作聖，不與上下文

相似，下文便不可曉。只看這兩句，或謂性相近，習相遠，惟上智與下愚不移

書中謂惟聖罔念作狂，惟狂克念作聖，若如此，則又有移得者，如何。文公曰：上

智下愚不移，如狂作聖，則有之。既是聖人，決不到作狂。此只是甚言不可不學

經說。王氏曰：操則存，舍則亡。其心之謂歟。思曰：睿睿作聖，操其心以思

曰：念不念之間，聖狂所以分也。苟其質之聖矣，自恃其聖而不之思，日復一日

書傳卷五

三

日天命之性忽然而復其作聖也何有○陳氏經曰子曰惟上智與下愚不移書乃曰聖可作狂狂可作聖則可移歟曰孔子之言聖狂之成也其習既成則不移矣書之言聖狂之分也聖狂之分生於一念之頃堯舜而忘兢業豈不趨於狂桀紂而能改過遷善豈不趨於聖孔子雖曰不移實有可移之理但恐下愚自暴自棄不肯移耳肯移之是狂之克念也公言此者明紂之為惡倘一旦改悔天不終棄之也○李氏樞曰紂惡甚矣天猶待之如此見天心仁愛人君自非大無道天皆欲扶持而全安之惟終無後心所以禍不可遏也○林氏曰晉武帝以孫皓淫暴有問罪之志王濬曰孫皓荒淫宜速征伐若一旦皓死更立賢主則疆敵也晉武之心惟恐吳之有賢主武王之心惟恐紂之不能改過觀於晉武尤知武王之為德○新安陳氏曰天惟至子孫必脫誤之字難通

天惟求爾多方大動以威開厥顧天惟爾多方罔堪顧之
紂既罔可念聽天於是求民主於爾多方大警動以殺祥謹告之威以開發其能受眷顧之命者而爾多方之眾皆不足以堪眷顧之命也

惟我周王靈承于旅克堪用德惟典神天天惟式教

我用休簡畀殷命尹爾多方
典主式用也克堪者能勝之謂也德輔如毛民鮮克舉之言德舉者莫能勝也文武善承其眾克堪用德是誠可以為神天之主矣故天式教文武用以休美簡擇畀付殷命以正爾多方也呂氏曰式教用休者如之何而教之也文武既得乎天德日新左右逢原其思也若或啓之其行也若或翼之乃天之所以教而用以昌大休明者也非諄諄然而教之也此章深論天下向者天命

未定眷求民主之時能者則得之孰有過汝者乃無一能當天之眷今天既命我周而定於一矣爾猶洵洵不靖欲何為邪明指天命而讐服四海茲雄之心者莫切
纂註
承于旅文武於德能勝而用之其力過孟賁遠矣漢唐賢主豈無欲布德於天下者惟力薄而奪於私欲故駁而不純是知德非真力則莫能勝莫能用也○新安陳氏曰克堪二字下得極有力非有仁以為己任之弘兼死而後已之毅不能堪而用之也克堪用之必有非力之力如真積力久之力而後可○陳氏大猷曰可為神與天之主山川宗社之得其安三光寒暑之得其序皆人君
今我曷敢多誥我惟大降爾四國民命
言今我何敢如此多誥我惟大降有爾四國民命舉其宥過之恩而責其遷善之實也
爾曷不忱裕之于爾多方爾曷不夾介乂我周王享天之命今爾尚宅爾宅畋爾田爾曷不惠王熙天之命
夾夾輔之夾介賓介之介爾何不誠信寬裕於爾之多方乎爾何不夾輔介助我周王享天之命乎爾之叛亂據法定罪則瀦其宅收其田可也今爾猶得居爾宅耕爾田爾何不順我王室各守爾典以廣天命乎此三節責其何下如此也
纂註
呂氏曰教以誠信寬裕惟詐故迫惟誠故裕○陳氏大猷曰乂我周王如乂用厥辟之乂謂治其君之事
爾乃迪屢不靜爾心未愛爾乃不大宅天命爾乃屑播天命爾乃

靜爾心未愛爾乃不大宅天命爾乃屑播天命爾乃

自作不典圖忱于正

爾乃屢蹈不靜自取亡滅爾心其未知所以自愛邪爾乃大不安天命邪爾乃輕棄天命邪爾乃自為不法欲圖見信於正者以為當然邪此四節責其不可如此也
集註 王氏曰我以道迪汝屢矣而猶不常之事苟欲人信以為正義也 我惟時其教告之我惟時其戰從殷以求興復自以為正義也

要囚之至于再至于三乃有不用我降爾命我乃其

大罰極之非我有周秉德不康寧乃惟爾自速辜

是教告而誨諭之我惟是戒懼而要囚之今至于再至于三矣爾不用我降者爾命而猶狃於叛亂反覆我乃其大罰極殺之非我有周持德不安靜乃惟爾自為凶逆以
集註 孔氏曰教告之謂訊之以文詰戰要囚謂誅其禍亂執其速其罪耳 朋黨再謂三監准夷叛三謂王即政又叛言迪屢不靜之

事○唐孔氏曰昭十三年說戰法云告之以文辭董之以武師告以文辭數其罪也戰要囚謂戰敗其師執取其人受其要辭而囚之至于再三明此指伐紂也○陳氏大猷曰教告如大誥多士之訓戰要囚如東征踐奄之師 王曰嗚呼猷告爾有方多士

暨殷多士今爾奔走臣我監五祀

監監洛邑之遷民者也猶諸侯之分民有君道焉所以謂之臣我監也言商士遷洛奔走臣服我監於今五年矣不曰年而曰祀者因商俗而言也又案成周既成而成王即政成王即政而商奄繼叛事皆相因

纘一二年耳今言五祀則商民之遷固在作洛之前矣尤為明驗

越惟有胥伯小大多正爾罔不

克臬

臬事也周官多以胥以伯以正為名胥伯小大衆多之正蓋殷多士授職於洛共長治遷民者也其奔走臣我監亦久矣宜相體悉竭力其職無或反側偷惰
集註 息齋余氏曰臬不當與康誥自作不和爾惟和而不能事也 異訓孔云汝無不能用法

哉爾室不睦爾惟和哉爾邑克明爾惟克勤乃事

安靜則身不和順矣身不安靜則家不和順矣言爾惟和哉者所以勸勉之也和其身睦其家而後能協於其邑雖然有恩以相愛聚然有文以相接爾邑克明始為不負其職而可謂克勤乃事矣前爾尚不忌于凶德亦則既戒以罔不克臬故以克勤乃事期之也

以穆穆在乃位克閱于乃邑謀介

忌畏也穆穆和敬貌頑民誠可畏矣然如上文所言爾多士庶幾不至畏忌頑民凶德亦則以穆穆和敬端處爾位以潛消其悍逆悖戾之氣又能簡閱爾邑之賢者以謀其助則民之頑者且革而化矣尚何可畏之有哉成王誘掖商士之善以化服商 爾乃自時洛邑尚永力畋爾民之惡其轉移感動之機微矣哉

田天惟畀矜爾我有周惟其大介賚爾迪簡在王庭

尚爾事有服在大僚

爾乃自時洛邑庶幾可以保有其業力畋爾田天亦將畀予矜憐於爾我有周亦將大介助賚

錫於爾啓迪簡拔置之王朝矣其庶幾勉爾之事有服在大僚不難至也
多士篇商民嘗以夏迪簡在王庭有服在百僚為言故此因以勸勵之也
 新安陳氏曰自王曰嗚呼猷告爾有方多士至此一章專提起胥伯正告之介
 如佑賢輔德賚如錫之山川土田蓋遷殷民時就拔其豪俊為胥伯正以共長
 治之乃用其素所服習者此安集新民之要道故今特勸勵之使表率殷士殷
 民而躋泰和也○呂氏曰多士序商民之怨周曰夏迪云云則以大義裁之此
 乃以迪簡云云為勸何也爵位上之所命非下之可干自其怨望而許之姑王
 息之政也示以好惡而勸之磨礪之具也此周公御商士之開闢大用也

曰嗚呼多士爾不克勸忱我命爾亦則惟不克享凡
 民惟曰不享爾乃惟逸惟頽大遠王命則惟爾多方
 探天之威我則致天之罰離逖爾土

之誥命爾亦則惟不能享上凡爾之民亦惟曰上不必享矣爾乃放逸頽頽大
 違我命則惟爾多士自取天威我亦致天之罰播流蕩折俾爾離遠爾土矣爾
 雖欲宅爾宅畋爾田尚可得哉多方疑當作多士上章既勸之以休此章
 則董之以威商民不惟有所慕而不敢違越且有所畏而不敢違越矣
 王曰我不惟多誥我惟祇告爾命
我豈若庸之此告以威之也
 哉我惟敬告爾以上
 文勸勉之命而已

纂註

陳氏曰我豈欲多言以告惟敬告爾以天命而已
 不知天命乃商民之病根故此篇言天命尤詳○

又曰時惟爾初不克敬于和則無我怨
張氏曰稱天者無慮二十稱帝者三與之更始故曰時惟爾初也爾民至此苟又不能敬于和猶復乖亂則自底誅戮毋我怨尤矣開其為善禁其為惡周家忠厚之意於是篇尤為可見○呂氏曰又曰二字所以形容周公之倦倦斯民會已畢而猶有餘情誥已終而猶有餘語顧盼之光猶曄然溢於簡冊也
纂註
呂氏曰是又

則無我怨而自取誅戮之意隱然於不言之表周家忠厚何其至哉
 則既失此初矣遷洛又一初也復不能而屢迪不靜則又失此初矣今歸自踐
 奄而又為多方之誥丁寧反覆論以時惟爾初之過一皆洗滌今之善當相
 與惟新豈非又一初乎若又失此初不能敬以納民于和則永無可望矣但曰
 則無我怨而自取誅戮之意隱然於不言之表周家忠厚何其至哉

立政

吳氏曰此書戒成王以任用賢才之道而其意旨則又上戒
 成王專擇百官有司之長如所謂常伯常任準人等云者蓋

古者外之諸侯一卿已命於君內之卿大夫則亦自擇其屬如周公
 以蔡仲為卿士伯冏謹簡乃僚之類其長既賢則其所舉用無不賢
 者矣葛氏曰誥體
纂註
呂氏曰無逸立政二篇相為經緯以無逸也今文古文皆有
 周公不復有書納忠於王此其絕筆也為治體統固臻其極至於反
 覆申重之意忠愛惇篤之誠深長遠大之慮學者當於言外體之

周公若曰拜手稽首告嗣天子王矣用咸戒于王曰

王左右常伯常任準人綴衣虎賁周公曰嗚呼休茲

知恤鮮哉此篇周公所作而記之者周史也故稱若曰言周公帥羣臣進戒于王贊之曰拜手稽首告嗣天子王矣羣臣用皆進戒曰王

左右之臣有牧民之長曰常伯有任事之公卿曰常任有守法之有司曰準人三事之外掌服器者曰綴衣執射御者曰虎賁皆任用之所當謹者周公於是歎息言曰美矣此官然知憂恤者鮮矣言五等官職之美而知憂其得人者少也吳氏曰綴衣虎賁近臣之長也葛氏曰綴衣周禮司服之類虎賁周禮之虎賁氏

也 **纂註** 唐孔氏曰周公既拜手稽首而後發言還自言拜手稽首者示已重其事欲君受其言如召誥言拜手稽首旅王若公亦是召公自言與此同也○陳氏大猷曰嗣天子今臨政天下矣此王初即政時前此幼冲皆倚成於公故警之如此用悉意以告王○林氏曰下文宅乃牧即常伯此以爲伯下以爲牧以伯爲牧民之長也而曰左右者以牧伯兼公卿也三宅固不可不得人然進見有時虎賁綴衣之類則朝夕與王處最親且密苟非其人則主德內蔽大臣雖賢何所施其力哉○呂氏曰常伯等即三宅三代之書他無所見意者公卿輔相之別名歟官有別名如相曰阿衡保衡三卿曰圻父農父宏父此亦三代輔政大臣別名耳綴衣虎賁特於侍御僕從中錯舉二者以見其餘耳職重者有安危之寄職親者有習染之移其繫天下之本一也能休嘉此數職知憂恤審擇之者鮮焉先言休茲而繼以知恤必知建官之美意然後深以爲恤也三宅左右大臣綴衣虎賁左右小臣職有大小而經綸康濟熏陶涵養知其美而加之憂庶不以非人處之矣○新安陳氏曰常伯等孔氏蘇氏分三公六卿有司傳即此說宜以分配三宅皆爲大臣若謂三公論道他事不

當及之若謂六卿則準人豈非司寇又豈六卿外他有乎法之準人乎要之三宅不過王左右大臣之別名呂說得之宅事常任所職必廣凡任事之大臣也宅牧常伯主牧養之大臣也宅準準人主平法之大臣也何公卿上官有司之分哉又案虞有十二牧夏周有九牧皆在邦國意必有大臣在朝者以統之如虞四岳統十二牧周六卿倡九牧立政所謂常伯宅牧必掌牧養而在朝以統牧伯者歟又案咸戒蔡氏謂公帥羣臣羣臣用皆進戒終篇不見羣臣進戒之意以後章咸告孺子王矣證之咸不過訓皆謂公皆以告戒王耳咸戒咸告義只一同

室大競籲俊尊上帝迪知忱恂于九德之行乃敢告
教厥后曰拜手稽首后矣曰宅乃事宅乃牧宅乃準
茲惟后矣謀面用丕訓德則乃宅人茲乃三宅無義

民古之人有行此道者惟有夏之君當王室大強之時而求賢以爲事天之實也迪知者蹈知而非苟知也忱恂者誠信而非輕信也言夏之臣蹈知誠信於九德之行乃敢告教其君曰拜手稽首后矣云者致敬以尊其爲君之名也曰宅乃事宅乃牧宅乃準茲惟后矣云者致告以敘其爲君之實也茲者此也言如此而後可以爲君也即臯陶與禹言九德之事謀面者謀人之面貌也言非迪知忱恂于九德之行而徒謀之面貌用以爲大順於德乃宅而任之如此則三宅之人豈復有賢者乎蘇氏曰事則向所謂常任也牧則向所謂常伯也準則向所謂準人也一篇之中所論宅俊者參差不齊然大要不出是三者其餘

則皆小臣百執事也。吳氏曰：古者凡以善言語人皆謂之教，不必自上教下，而後謂之教也。**桀德惟乃弗作，往任**

是惟暴德罔後。夏桀惡德，弗作往。昔先王任用三宅而所輯錄三宅

無義民據此三宅，即上文宅事宅牧宅準之宅。今孔氏蘇氏以為居無義之民猶舜典五宅三居之意。呂氏以三宅無義民一句，接下句桀德惟乃弗作往任，謂當桀之時居三宅者曾無義民未知。

纂註

林氏曰：惟禹以顓後為心，故其臣亦以薦揚為務。王氏曰：顓

二說孰長？先生曰：呂說是。答潘子善。俊之道在乎迪知忱恂于九德之行。呂氏曰：統名之則曰俊，而所以為俊者則有九德之別。苟不能實知篤信於有德之行，雖號召賢俊，猶無益也。自臯陶以九德告禹，夏后蓋世守以為知人之法焉。夏之臣既以宅三宅告其君，於是謀以博詢之，而以親驗之用。其大順於德者必如是，乃可謂能宅人。蓋大任不可輕付，大德不可小知，必參人已然後盡也。方夏之盛，任三宅者如此之詳，及其衰也，並至於曾無義民，言皆不義之人，無一君子也。茲乃云者，此乃三宅之位非他位也，猶無義民則他可知矣。然非人才果異往日也。桀之惡德，弗作往日之任用而已，往惟俊德是任，效見於有室大競，桀惟昏德是任，效見於絕世無後，信乎存亡在所任也。陳氏大猷曰：宅者居而安之之謂，或才德不稱或委任不篤，皆非宅也。新安陳氏曰：無競維人，人中之俊，乃天生之以遺國家者，俊非徒才俊必有德，如所謂以克俊有德，臯陶亦曰九德咸事，俊亦越成。又在官未嘗岐俊德而二之宅，乃事用大臣以宅君之事也。下故此亦越成。

湯陟不釐上帝之耿命，乃用三有宅克，即宅曰三有

俊克，即俊嚴，惟丕式克用三宅，三俊其在商邑，用協

于厥邑，其在四方，用丕式見德。亦越者繼前之辭也。耿光也。湯

昭著於天下，所謂陟不釐上帝之光命也。三宅謂居常伯常任準人之位者，三俊所謂有常伯常任準人之才者，克即者言湯所用三宅實能就是位而不曠其職，所稱三俊實能就是德而不浮其名也。三俊說者謂他日次補三宅者詳宅以位言，俊以德言，意其儲養待用，或如說者所云也。惟思式法也。湯於三宅三俊嚴思而丕法之，故能盡其宅俊之用，而宅者得以效其職，俊者得以著其才賢智奮庸，登於至治，其在商邑，用協于厥邑，近者察之，詳其情，未易齊畿甸之協則純之至也，其在四方，用丕式見德遠者及之，難其德未易徧觀法之同則大之至也，至純至大，治道無餘蘊矣。曰邑曰四方者，各極其遠近而言耳。

纂

陳氏大猷曰：事事物物之理莫非天命之流行，典禮刑賞則其大者湯升天位大理治上帝之明命，謂大治天下使事物昭然各當於理，即不釐上帝之耿命也。息齊余氏曰：陟句為是。呂氏曰：漢高儲參陵平勃於身後，迄定再世之亂，孔明儲琬禪允維於身後，亦維持數十年，況三代為天下長慮固宜儲三俊以繼三宅也。嚴惟丕式嚴思賢者惟大則效之，然後能用宅俊，所謂學於伊尹而後臣之其一證也。未用宅俊之前知之者，惟湯既用之後則夫人而信之。新安陳氏曰：上文嚴惟丕式君大法乎賢也，此之用丕式下之人亦因之而大法乎賢也。湯用三宅而且儲三俊以供無窮之用，上廣夏后之所未及而

下為文武之鳴呼，其在受德，賢惟羞刑暴德之人，同于厥

司徒司馬司空亞旅不知何故敘於太史尹伯庶常吉士之下呂氏以為諸侯之官未知是否先生曰謂三官之副與其屬耳亞謂小司徒之屬旅即下士也

纂註

陳氏曰尹伯舉其長言之亞旅舉其屬言之互相備也

夷微盧烝三亳阪尹

此王官之監於諸侯四夷者也微盧見經見史三亳蒙為北亳穀熟為南亳偃師為西亳烝或以為衆或以為夷各阪未詳古者險危之地封疆之守或不以封而使王官治之參錯於五服之間是之謂尹地志載王官所治非一此特舉其重者耳自諸侯三卿以降惟列官名而無他語承上庶常吉士之文以內見外也夫上自王朝內而都邑外而諸侯遠

纂註

王氏曰此篇屢言三宅而而夷狄莫不皆得入以為官使何其盛歟

無一定之先後也 文王惟克厥宅心乃克立茲常事司牧人

以克俊有德

文王惟能其三宅之心能者能之也知之至信之篤之謂故能立此常任常用能俊有德也不言準人者因上章言文

王用人而申克知三有宅心之說故略之也

輯錄

文王惟克厥宅心人皆以宅心為處心非也即前面所說三有宅心爾若處心則云克宅厥心方

纂註

孔氏曰文王惟其能居心○呂氏曰前章數敘文武眾職已詳復恐或王覽其目而不議其綱也故極本原以示之心者萬事之綱也君

心既宅安厥攸居則經世事業皆此心之建立也舉世人才皆此心之感應也文王之官繁矣曷嘗求之外哉惟能宅心而已○真氏曰不曰克宅厥心而曰克厥宅心猶臯謨不曰慎修厥身而曰慎厥身修也○新安陳氏曰以宅心為二宅之心與上文克知三有宅心合為一說免添出文王自宅心一脚豈不甚

好然如蔡氏所謂能其三宅之心於文理欠順否則

文王罔攸兼于庶

言庶獄庶慎惟有司之牧夫是訓用違

庶言號令也庶獄獄訟也庶慎國之

禁戒儲備也有司有職主者牧夫牧人也文王不敢下侵庶職惟於

有司牧夫訓敕用命及違命者而已漢孔氏曰勞於求才逸於任賢

纂註

呂氏曰庶言謂凡奏請訴訟庶獄謂凡刑辟訊鞠庶慎謂凡事繫利害而當謹戒者

庶獄庶慎文王罔敢知于

茲 信上言罔攸兼則猶知之特不兼其事耳至此罔敢知則若未嘗知其事蓋

曰不言罔知于茲而曰罔敢知于茲者徒言罔知則是莊老之無為也惟

言罔敢知然後見文王敬畏思不出位之意豪釐之辯學者宜精察之

亦 呂氏曰罔敢知不及庶言者事未施行則謂之言既施行則獄與慎可包之矣

越武王率惟救功不敢替厥義德率惟謀從容德以

並受此丕丕基 率循也救功安天下之功義德義德之人容德容德之

量皆成德之人也周公上文言武王率循文王之功而不敢替其所用義德之

人率循文王之謀而不敢違其容德之士意如號叔閔天散宜生泰顛南宮括

之徒所以輔成王業者文用之於前武任之於後故周公於君顯言五臣克昭
文王受有殷命武王惟茲四人尚迪有祿正猶此敘文武用人而言並受此不
不基

纂註

孔氏曰亦於武王循惟文王撫安天下之功而安天下之民安民所謂牧
也

功一怒所謂義德也武王亦一怒而安天下之民所以率惟不敢替者也肆不
殄厥愾亦不隕厥問文王之容德也不泄邇不忘遠遠邇并包所以率惟謀從
之者也容德聖人所尚故率惟謀從義德非聖人所專任則迫於不得已而不
敢替焉○蔡初王氏曰紂用暴德逸德之人正與此相反○新安陳氏曰蔡氏
承上文之用三宅而言蓋不改父之臣之意此說出於夏氏真氏取之以其切
於立政用人故也然深繹文意曰不敢替厥曰率惟謀從恐孔呂之說為得本
來語意

夫我其克灼知厥若丕乃俾亂相我受民和我庶獄
庶慎時則勿有閒之

我者指王而言若順也周公既述文武基業之
大歎息而言曰孺子今既為王矣繼此以往王
其於立政立事準人牧夫之任當能明知其所順順者其心之安也孔子曰察
其所安人焉度哉察其所順者知人之要也夫既明知其所順果正而不他然
後推心而大委任之使展布四體以為治相助左右所受之民和調均齊獄慎
之事而又戒其勿以小人間之使得始終始其治此任人之要也民而謂之受者
言民者乃受之於天受之於
祖宗非成王之所自有也

纂註

呂氏曰一篇之閒所謂王矣者蓋屢言而
屢歎之深恐成王平日委重視成今猶不

自知身當職分之大故警之不一而足也○陳氏大猷曰我者我其君君臣一
體也○張氏曰王繼文武以立政可謂難矣而難之中自有簡易之道亦曰立
事準人牧夫我其克灼知厥若而已知三宅之心即所以立政○復齋董氏曰
孔氏以立政為大臣立事為小臣諸家皆以立政立事為一意而於準人牧夫
則以為舉其二以包其一理所未安竊意從張氏之說則立政乃作書之本意
立事乃任人之官庶於經意為兩得○蔡初王氏曰提起立政二字最是下文
商人周文王立政國則罔有立政用儉人在今後嗣王立政皆是提起作書之
本意立政之要在於事牧準人○新安陳氏曰立政下列三宅則並有立事字
立政下不列三宅則無立事字尤是顯
證蔡氏於後一節以悟此意惜於此欠明

德之彥以乂我受民

未終惟思也自一話一言之閒我則終思成德
之美士以治我所受之民而不敢斯須忘也二

纂註

王氏曰一話言一事之始終也一言一句而已○新安陳氏曰相受民
牧之責也和庶獄準之責也和庶所當慎之專事之責也三宅備矣話
言樞機之發也委任三宅欲勿以小人間之苟或一話言閒微不終於
專主君子則小人乘閒入之矣此公戒王以委任三宅專一周密之法也

予旦已受人之微言咸告孺子王矣繼自今文子文

孫其勿誤于庶獄庶慎惟正是乂之

前所言禹湯文武任人
之事無非至美之言我
聞之於人者已皆告孺子王矣文子文孫者成王武王之文子文王之文孫也
成王之時法度彰禮樂著守成尚文故曰文誤失也有所兼有所知不付之有

司而以已誤之也。正猶康誥所謂正人與官正酒正之正。指當職者為言。不以已誤庶獄。慎惟當職之人是治之。下文言其勿誤庶獄。惟司之牧夫。即此意。**纂註**孔氏曰：惟以正是之道治眾獄。眾慎。○蘇氏曰：心有邪正事。有是非。以正法斷刑。以正理撥事。所謂正道也。苟不知正道。雖端端欲其勿誤。能勿誤乎？**自古商人亦越我周文王**

立政立事牧夫準人則克宅之克由繹之茲乃俾乂

自古及商人及我周文王於立政所以用三宅之道。則克宅之者。能得賢者以居其職也。克由繹之者。能細繹用之而盡其才也。既能宅其才以安其職。又能繹其才以盡其用。茲**纂註**陳氏曰：繹如繹絲。謂窮其端緒。克宅任之當矣。又其所以能俾乂也歟。○呂氏曰：由繹由其外而繹其中也。由其言而繹其心。由其才而繹其德。由其發舒於一時而繹其持久於歲晏者。繹之蓋不一端而足也。克宅之則人與位相稱。克由繹之則表與裏相符。其審如是。然後俾之為治。既俾之為治。則一委之其人矣。**國則罔有立政用**

儉人不訓于德是罔顯在厥世繼自今立政其勿以

儉人其惟吉士用勸相我國家

自古為國無有立政用儉利小人者。小人而謂之儉者。形容其沾沾便捷之狀也。儉利小人不順于德。是無能光顯。以在厥世。王當繼今以往立政。勿用儉利小人。其惟用有常吉士。使勉力以輔相我國家也。○呂氏曰：君子

陽類用則外其國於明昌。小人陰類用則降其國於晦昧。陰陽升降亦各從其類也。**纂註**孔氏曰：儉利之人不順於德。蘇氏曰：見細德之顯微。是謂儉人。○張氏曰：儉人者。傾巧辯給之人。詐足飾非。言足拒諫。悅其心則譽。狎紂為堯舜。失其意則誣伯夷為盜跖。○陳氏曰：儉人矯飾以為德。然非其心之所順。與不訓厥若正相反。○呂氏曰：人主惟以別白君子小人為職。國之興亡常必由之。此篇反覆於君子小人之際。有言哉。文武有庶常吉士。公復以其惟吉士望王。召公之歌詩。王多吉士。亦至於再穆。王命伯冏吉士。猶在口也。是則周家父祖所傳師保所訓。子孫所守。惟在吉士。一代治體可識矣。儉人者吉士之反。周之家法所嚴。惡斥絕者也。

于庶獄惟有司之牧夫

始言和我庶獄。庶慎時則勿有閒之。繼言其勿誤于庶獄。庶慎惟正是之。至是獨曰其使成王尤知刑獄之可畏。必專有司牧夫之任。而不可以已誤之也。**纂註**呂氏曰：獄曷為其獨重也。民命所繫。亦國命所繫也。導迎善氣。祈天永命者。獄也。並告無辜。無世在下者。亦獄也。宜周公獨言而獨戒之。○蔡氏元度曰：以庶獄庶慎對庶言。則獄慎尤重。故不及庶言。以庶獄對庶慎。則庶獄尤重。故不及庶慎。○唐孔氏曰：言庶獄欲其重刑。言有司牧夫欲其謹官人。○王氏曰：獄者政之終。牧者官之長。政舉其終。官舉其長。則無不舉矣。

其克詰爾戎兵以陟禹之迹方行

天下至于海表罔有不服以覲文王之耿光以揚武

王之大烈

詰治也治爾戎服兵器也陟升也禹迹禹服舊迹也方四方也

也於文王稱德於武王稱業各於其盛者稱之呂氏曰兵刑之大也故既言庶獄而繼以治兵之戒焉或曰周公之訓稽其所弊得無啓後世好大喜功之患乎曰周公詰兵之訓繼勿誤庶獄之後行獄之間尚恐一刑之誤況六師萬眾之命其敢不審而誤舉乎推勿誤庶獄之心而奉克詰戎兵之戒必非得已不巳而輕用

纂註

林氏曰呼文子文孫言守成以文終以詰爾戎兵則武不可民命者也

繼自今後王立政其惟克用常人

并周家後王而戒之也常人常德之人也臯陶曰彰厥有

纂註

呂氏曰常人之於國也蓋食之穀粟衣之布帛雖同實而異名者也

曰太史司寇蘇公式敬爾由獄以長我王國茲式有

慎以列用中罰

此周公言慎罰而以蘇公式敬獄之事告之太史使其

溫為司寇周公告太史以蘇忽生為司寇用能敬其所由之獄培植基本以長我王國今於此取法而有謹焉則能以輕重條列用其中罰而無過差之患矣

纂註

孔氏曰忽生為武王司寇封蘇國能用法敬汝所用之獄言主獄當求

掌六典有廢置官人之制故告之陳氏大猷曰周公舉太史所記蘇公之事以告王蘇公能以法式而敬其所用之獄重民命以延國命治獄者當以為法式而有謹焉列者前後相比猶今言例也以舊事為此而用其輕重之中者也立政以用人為本而兵刑乃政之大者故以此終焉新安陳氏曰蘇公所以為司寇在乎敬後人之法蘇公在乎慎能慎則能敬矣固為後之司獄者慮尤為後之君用人以司獄者慮能如蘇公者則用否則斥蓋以此終立政用人之意歟兩式字同訓法為優葉氏曰自詰爾戎兵至此疑有脫簡愚謂周公復政成王而作立政以王政莫大於用人用人莫先於三宅三宅得人則百官皆得人而王政立矣公前日攝政猶可無言今歸政留洛心在王室豈容默乎此立政所以作也一篇之中宅事牧準其綱領也休茲知恤其血脈也自迪惟有後至暴德罔後言夏先后知恤乎此乃室大競休何如哉桀不知恤也故罔德休何如哉紂不知恤也故帝罰之而我周式商受命焉自亦越文王武王至並受丕不基言文武亦猶夏商先王之知恤也是以並受丕不基式克至今日休也自孺子王矣以下至終篇拳拳以去儉人用常吉詰戎兵謹刑獄為王言蓋欲王以先王之知恤為法以夏商後王之不知恤為鑒忠愛之至至今可挹也

書卷第五

後學 成德 校訂

Blank manuscript area with vertical lines.

